



**გადარჩებიან
თუ არა აფხაზები
იზოლაციის, გლობალური
პრობლემებისა და მუდმივი
სტრესის პირობებში?!**

**რუსეთის ⑧
„მეგობრული“
მეცნებეობა**



**რუკათა და...
ქვანთა ღაღადი!**



დავით

სიდაშელის

როლი


პარტოპრაფების

საქმეში

③



**რატომ ვუსკობთ ახალგაზრდებს
საქართველოში ღარიბების, მის
სამსახურში ყოფნის სურვილს!**



**ქართული არქიტექტორების
მიმართვა კახა კალაშის**

ქართული არქიტექტორები
ღელაქალაქის მერს კახა
კალაშის კველი ოპოლრომის
ბანახლებს პროექტით დაკავ-
შირებით ბანახლებით მიმარ-
თავენ. საქმე ეხება ტენდრა-
ლური პარკის პროექტის
უცხოური კომპანიის მიერ
ბანახორციელებას, რას ქართ-
ველი არქიტექტორების
თქმით, აღზიდობრივ ქალაქ-
გეგმარებასა და ღიზინე-
რებს საქართველოში ღარიბ-
ებისა და ქვეყნის სამსახურში
ყოფნის მოტივაციას უპარბავს.

**ქ. თბილისის მერს -
კველი იპოლრომთან
დაკავშირებით,
ქართულ
არქიტექტორთა
მეგობრული რჩევა**

ბატონო კახა,
კონკურსი, როგორც იდეა, საუკუნე-
ების მანძილზე საუკეთესო არქიტექტუ-
რული თუ ქალაქგეგმარებითი ნაწარ-
მოების, ნიჭიერი ავტორების (მეტწი-
ლად ახალბედების) წარმოჩენის საუკე-
თესო, შედეგიან საშუალებას წარმოად-

გენდა. სამწუხაროდ, ამ აღიარებული
ჭეშმარიტების სრულ უგულვებელყოფას
ვახდენთ, უკვე დიდი ხანია. სოლო გან-
ცხადება, რომელიც ა. წ. 4 ოქტომბერს
თქვევგან მოვისმინეთ, ყოველივეს ლო-
გიკურ გაგრძელებას წარმოადგენს. ირ-
კვევა, რომ თბილისისთვის საოცნებო (ი-
პოდრომის) იშვიათი პარკის პროექტი
ერთმა ნიდერლანდურმა კომპანიამ უნ-
და შეასრულოს, ჩვენი პროფესიული სა-
ზოგადოება კი, როგორც ეს სწორად
ხდება, სტატიტის როლს უნდა დას-
ჯერდეს. თუ ასე გაეგრძელებოდა, აღ-
მოჩნდება, რომ საქართველოს უმაღლე-
სი სკოლების მიერ ყოველწლიურად გა-
მოშვებული 500 არქიტექტორი, ქალაქ-
მგეგმარებელი, დიზაინერი დიდ გაუ-
გებრობაში არიან მოხვედრილნი და ამ
უკუღმართობას ქალაქის მმართველო-
ბაც უწყობს ხელს. სხვა სიტყვებით,
ახალგაზრდებს საქართველოში ღარიბ-
ების, მის სამსახურში ყოფნის მიზანს
გუსკობთ, ეს კი, გვერწმუნეთ, ნამდვი-
ლად არ შედის ქვეყნის მიზნებში. მაღა-
ლი კლასის სპეციალისტებად მათი ჩა-
მოყალიბება სხვა ფაქტორებთან ერთად
არქიტექტურულ-გეგმარებითი კონკურ-
სების სიმრავლემაც უნდა განაპირობოს.
საქმე გამოწვევისაა რომ ეხებოდეს, ამ-
გვარ პესიმისტურ პროგნოზს არ გავა-
კეთებდით. მაგრამ სამწუხაროდ, პრო-

ექტირებისადმი ამგვარი დამოკიდე-
ბულება დარგის მართვის სისტემის
განუყოფელ ნაწილად ვაქციეთ. უკვე
დიდი ხანია, მინიმუმ 15 წელიწადი.
ჯერ არ არის დაგვიანებული გამოს-
წორდეს ნების თუ უნებლიეთ დაშ-
ვებული შეცდომა. მიიღეთ ჩვენი რჩევა,
გნებავთ საქმიანი წინადადება, შეაჩე-
რეთ ხსენებულ კომპანიასთან დადებუ-
ლი ხელშეკრულება, გამოაცხადეთ ღია
კონკურსი პარკის ესკიზურ პროექტ-
ზე. მით უმეტეს, რომ ასეთი მასშტაბის
და მნიშვნელობის საპროექტო გადაწყ-
ვეტები ერთი ობიექტის პრობლემატი-
კით ვერ შემოიფარგლება. იგი კომპ-
ლექსურ, მრავალმხრივ გააზრებულ
გეგმარებითი კონტექსტის დამუშავე-
ბას მოითხოვს. დაგვიჯერეთ, უპირო-
ბოდ მოითხოვს. გამარჯვებული ესკი-
ზის საფუძველზე ავტორთა მონაწი-
ლეობით შესაძლებელი იქნება სრული
პროექტი ისევე თქვენ მიერ შერჩეულ-
მა ორგანიზაციამ დაამუშაოს. ამ კომ-
პრომისული ვარიანტის განხორციელე-
ბა თქვენთვის დიდ სირთულეს არ უნდა
წარმოადგენდეს. პროცესი არქიტექ-
ტორთა საერთაშორისო კავშირის
(UIA) მიერ აღიარებული, შესაბამისი
ნესების დაცვით წარიმართება, შედეგი
კი დედაქალაქს, საზოგადოებას შეუ-
დარებლად მეტ სიკეთეს მოუტანს!

პატივისცემით, არქიტექტორები — **პავლე ქინძიბაძე, ფარნაოზ
ზაქარაია, თენგიზ გოგოლაშვილი, ნუზუარ სვანიძე...**

გიგი უგულავა:

პანო

მერაბიშვილმა

მიხეილ სააკაშვილის

ყველაზე გნელი

ინსტინქტი გააღვივა!

დანა - ოპოზიციის ზურგში!



პანო მერაბიშვილმა მიხეილ სააკაშვილის ყველაზე გნელი ინსტინქტი გააღვივა, მან ოპოზიციის ერთობას ზურგში დანა ჩაართყა. ამის შესახებ „ევროპული საქართველო“ ერთ-ერთმა ლიდერმა, გიგი უგულავამ „ფეისბუქზე“ გავრცელებულ ვიდეომიმართვაში განაცხადა.

„შარშან ოპოზიციის არნახული ერთიანობის ფონზე, როცა „ლეიბორისტული პარტიის“ ოფისში ვიკრიბებოდით, უცნაურად გაისმა მიხეილ სააკაშვილის მოწოდება მისივე სახელობის ბიბლიოთეკის ალტერნატიულ ცენტრად გამოცხადების შესახებ. უხერხულობას მისივე თანაპარტიელებიც გრძნობდნენ, მაგრამ ერთობის მუხტი იმდენად ძლიერი იყო, ბიბლიოთეკას პროფილის შეცვლა არ მოუწია. ვინც იქ სააკაშვილს არ იცნობდა, გაკვირვებული დარჩა. მიშა ბორგაძე და არ მოსწონდა ფორმატი, სადაც პირადად არ იყო ერთპიროვნული ლიდერი, თორემ ენმ, ცხადია, ამ ერთობის ერთ-ერთი ლოკომოტივი იყო. ასე ამოიღო მიზანში ეს ერთობა არა მხოლოდ ბიძინამ, არამედ მიშამაც. ის, რასაც ვერ მიაღწია ივანიშვილმა, შედეგად განახორციელა სააკაშვილმა. ის, რომ 120-30-ზე მიღების მერე, საერთო ოპოზიციური სია არარეალური და არაფრის მომცემი იქნებოდა, ყველა ვთანხმდებოდით. სამაგიეროდ, ერთიანი ამოქმედების შერჩევა ერთობის და მრავალფეროვნების ყველაზე სწორ მოდელად გვესახებოდა. ამ აზრზე იყო ასევე „ნაცმოძრაობის“ ადგილობრივი ლიდერებიც.

ამასობაში გამოჩნდა მერაბიშვილიც, რომელმაც ენმ-ს შიგნით ძალაუფლებისთვის ბრძოლა დაიწყო. გააღვივა სააკაშვილის ყველაზე გნელი ინსტინქტები, რომ ენმ-ს მარტო შეუძლია გამარჯვება, რომ ის უნდა იყოს პრემიერობის კანდიდატი და სწორედ ის, მერაბიშვილი ადგილზე უზრუნველყოფდა ამას. ასეც მოხდა. ენმ გავიდა ყველა შეთანხმებიდან, დააყენა სააკაშვილი პრემიერობის კანდიდატად, გამოაცხადა – ან მე, ან ბიძინა, სხვა ყველა პარტიუკა და არავითარი კოალიცია არ იქნება, თუ ენმ არ გაიმარჯვებს, ქვეყანა დაილუქებაო. ვინც არ მიიღო თამაშის წესი, მტერი აღმოჩნდა. ჯერ გიორგი ვაშაძე, მერე „ევროპული საქართველო“, შემდეგ „გირჩი“.

ანუ სააკაშვილის ჩარევამდე ოპოზიციური ბრძოლის მოდელი, სატახტოთა თამაშების (Game of Thrones) მიხედვით რომ აღწევნო, იყო შემდეგი:

ყველა პარტია ცენტრსა და ფლანგებში განლაგებული ლაშქარივით, ხოლო ლიდერები – მაჟორიტა-

რებად. მარტივად, ადამიანები წყვდიადის მეფისა და თეთრი მოხეტიალეების, ანუ ბიძინასა და ქოცების წინააღმდეგ, ახლა ომის წინა სცენა გვექნებოდა, როცა ბევრი ერთმანეთთან წარსულში დაპირისპირებული ლიდერი წყვდიადის ზომბების წინააღმდეგ ბრძოლისთვის როგორ შესმატებოდა ემზადება.

საკაშვილი ამ სცენარში მოიქცა როგორც სერსეი ლანისტერი, ზურგში ჩაართყა დანა ოპოზიციის ერთობას, მხოლოდ საკუთარი ერთპიროვნული ძალაუფლებისთვის. მეტი მიზანი და იდეა მას უბრალოდ არა აქვს. ამის შედეგია, რომ ვარდების რევოლუციის ერთ-ერთი მთავარი, ერთ დროს მმართველი და შემდეგ დაუნდობელი დევნის მსხვერპლი პარტია გადაიქცა რეაქციონერებისა და რეტროგრადების პარტიად. ახლა თავს ინყნარებენ, მთავ-



რი ლიდერია და არა სია. დიხს, მთავარი ლიდერია, ოღონდ ეს სია ამ ლიდერის სარკეა. ასე გადაიქცა მთავარი ოპოზიციური პარტია სააკაშვილისა და მერაბიშვილის საჯარო სახლად.

ბუნებრივია, ისმის კითხვა, ახლა რა ხდება, წავაგეთ? არა, რა თქმა უნდა, თუ ფსიზ-

ლად და ყალბი მითების გარეშე შევხედავთ სიტუაციას. ივანიშვილს ვერ მოვიშორებთ, სანამ ბუფერად სააკაშვილი ეყოლება ამოფარებული. შვიდი წელია, ივანიშვილის თამაშია, აქეთ მე, იქით მიშა. ამ დაპირისპირებაში ბიძინა იგებს, მიშას კი იმედი აქვს, რომ ოდესღაც ბიძინა ისე მობერზდება ხალხს, რომ ადრე თუ გვიან ძალაუფლება ხელში ჩაუვარდება. ამ თამაშში ყველას თავის როლი აქვს, ხალხის გარდა. ქვეყანა ჭაობში ეფლობა და მედლის ორ მხარეზე გამო-

ნათელაშვილის თქმით, ეს არის გამოსავალი, რომ რეგიონში გეოპოლიტიკურ აფეთქებებს ქართული სახელმწიფოებრიობა, თავისუფლება და სუვერენიტეტი არ შეეწიროს.

„ყარაბაღის ომმა კიდევ ერთხელ გვიჩვენა, რომ ჩვენს რეგიონში გეოპოლიტიკური აფეთქებები გაგრძელდება საკმაოდ დიდხანს, რასაც ერთ მშვენიერ დღეს შეიძლება შეეწიროს ქართული სახელმწიფოებრიობა, ჩვენი თავისუფლება და სუვერენიტეტი. გამოსავალი აქედან არსებობს – საქართველოში დაუყოვნებლივ უნდა გაიხსნას ამერიკის შეერთებული შტატების სამხედრო ბაზები, საზღვაო ბაზები და განლაგდეს ბირთვულ-კოსმოსური იარაღი.

ათენში მიხეილ სააკაშვილმა თავდასხმა სცადა

ემიგრანტების ინფორმაციით, საბერძნეთში, ათენში საქართველოს ყოფილ პრეზიდენტზე, მიხეილ სააკაშვილზე თავდასხმა სცადეს.



სახულ „მეგატრონებს“ ეს საერთოდ არ ადარდებს.

გამოსავალი – ღიად და ცხადად, ყოველგვარი უკანა აზრების, გარიგებების გარეშე, ღიად და გამჭვირვალედ ვთქვათ, სადაც მუშტი ბიძინას, იქვე იდაყვი მიშას. არ შევუქმნათ კოალიცია ივანიშვილის ოცნებას და არ დავეუჭიროთ მხარი სააკაშვილს პრემიერობის თანამდებობაზე. მხოლოდ ასეა შესაძლებელი ივანიშვილის მოწოდებული წრის გარღვევა, რომლის მართალი ან ნაკლები პასუხისმგებლობით, მაგრამ სააკაშვილიც შემოქმედია. ურჩხულთან ბრძოლაში ის სამწუხაროდ, ამ ურჩხულს დაემსგავსა.

მე გული მტკივა, რომ ამის აღწერა მიწევს. „ევროპულმა საქართველომ“ და პირადად მე ყველაფერი გავაკეთეთ, რომ ოპოზიციის ზემოთ აღწერილი სცენარი გამოსულიყო, ოპოზიციას ასე ებრძოლა და გაემარჯვა. მენანება ადამიანურადაც და პოლიტიკურადაც, მაგრამ ქვეყანა და მისი მომავალია მთავარი. გარდამტეხი ცვლილებები გვჭირდება, რაც ამ მოწოდებული წრის გარღვევას გულისხმობს.

მთავარი ამოცანა – 1. ოცნება 40 პროცენტს ქვემოთ დარჩეს; 2. ყველა ოპოზიცია ჯამურად იყოს ნაცმოძრაობაზე მეტი; 3. კოალიციური მთავრობა სააკაშვილის გარეშე.

დარწმუნებული ვარ და ვიცი, როცა საქმე საქმეზე მიდგება, ენმ-შიც უმრავლესობა ამ აზრზე აღმოჩნდება. სააკაშვილის პერსონალური საკითხის გამო, ივანიშვილის ხელისუფლებაში არავინ დატოვებს. იქ ბევრი პატრიოტი ადამიანია, რომელსაც ყელში აქვს ამოსული ასეთი არაადამიანური დამოკიდებულება. ეს მიღწევადია, თუ არ მივიღებთ ივანიშვილის თამაშს, რომ სააკაშვილია მისი ალტერნატივა. ამ ორმა ადამიანმა ქვეყანაზე მალა დააყენა ადამიანი, რის გამოც ხალხისგან პასუხს მიიღებენ. ჩაფლავებული ოცნებები და განიავებული იდეალები. მათი ადგილი მარკესისეულ ლაბირინთშია, სადაც ყველა დროის დაუძინებელი მმართველები ძალაუფლების მარადიულ დაბრუნებას ამოვ ელოდებიან.

ხოლო ჩვენ, ვისაც „ოცნება“ ნაცებს გვინოვებს, სინამდვილეში ვართ ვარდების რევოლუციის მემკვიდრეობა, ვისაც აღარ გვინდა საბჭოთა გადმონაშთები მმართველობაში, ეკონომიკაში და ყოფაცხოვრებაში. ხალხი, ვინც სხვადასხვა პარტიაში ვართ და ცივილიზებულიად შეგვიძლია თანაარსებობა. დიხს, ძალიან უცნაური არჩევნებია – წინ მუშტი ივანიშვილი და იქვე უკან იდაყვი სააკაშვილი. ეს არის გამარჯვების ფორმულა დღეს“, – განაცხადა გიგი უგულავამ.

ემიგრანტები სოციალურ ქსელში ვიდეომასალას ავრცელებენ და აცხადებენ, რომ შეთხვევა მიხეილ სააკაშვილისა და ემიგრანტების შეხვედრამდე შენობის გარეთ მოხდა. ვიდეოში ჩანს, რომ უცნობი მამაკაცი სააკაშვილს ფიზიკურად უსწორდება. მათივე ინფორმაციით, დაშავდა რამდენიმე ადამიანი.

ქართველი ნაციონალისტები საზრანბეთში



საზრანბეთში, რიგოლის ქუჩაზე მდებარე შენობის სვეტებზე, ქართველმა მამაკაცმა 20-მდე ნაციტური სვასტიკა გამოსახა. ინფორმაციას, პარიზის პროკურატურა ავრცელებს. ექვმიტანილი 1989 წელს საქართველოში დაბადებული მამაკაცია.

ფაქტს პარიზის მერია და პირადად საფრანგეთის შინაგან საქმეთა მინისტრი, ჯერალდ დარმანინი გამოეხმაურნენ. სოციალურ ქსელს Twitter-ზე, პარიზის მერია ინფორმაციას ავრცელებს, რომ „უსაფრთხოების სამსახურის თანამშრომლებმა“ მამაკაცი უკვე დააკავე. დასუფთავების ჯგუფები სასწრაფოდ ჩაერევიან ამ საკითხში და ყველა ნაკვალევ გააქრობენ.

შალვა ნათელაშვილი:

„ნაციონალურ მოძრაობას“ პურიკა, პანო მერაბიშვილი ახლოს არ გაიკარონ



ემიგრანტული რჩევა შეიძლება მიეცე პარტიის „ნაციონალურ მოძრაობას“, არ გაიკარონ ახლოს ვანო მერაბიშვილი, – ამის შესახებ „ლეიბორისტული პარტიის“ ლიდერმა, შალვა ნათელაშვილმა „ევროპული საქართველოს“ წევრის, გიგი უგულავას განცხადების კომენტარებში სას აღნიშნა.

მისი თქმით, „ლეიბორისტულ პარტიას“ ოპოზიციის ერთიანობის იმედი აქვს...

საქართველოში დაუყოვნებლივ უნდა გაიხსნას აშშ-ის სამხედრო, საზღვაო ბაზები და განლაგდეს ბირთვულ-კოსმოსური იარაღი

ამის შესახებ „ლეიბორისტული პარტიის“ ლიდერმა შალვა ნათელაშვილმა განაცხადა.



დავით ხიდაშელის როლი კარტოგრაფიის საქმეში

ბერძნული კომპანია INTRACOM

S.A. TELECOM SOLUTIONS-ის დირექტორთა საბჭოს თავმჯდომარე დავით ხიდაშელი ე.წ. კარტოგრაფების საქმის ერთ-ერთი მნიშვნელოვანი მონაწილეა. INTRACOM S.A. TELECOM SOLUTIONS აქციების 51%-ს რუსული საფინანსო-ინდუსტრიული ჯგუფი АФК „Система“ ჩეხეთში დარეგისტრირებული ფირმის მეშვეობით ფლობს. თავად ხიდაშელი რუსული „სისტემის“ ვიცე-პრეზიდენტი იყო 2007-2014 წლებში. ქართველ გამოძიებელბთან, 25 აგვისტოს ჩაგარებული გამოკითხვისას ხიდაშელი ამბობს, რომ ის კარტოგრაფიული საქმიანობითაა დაკავებული ბოლო 20 წლის განმავლობაში, აქვს დიდი პირადი არქივი და საშუალება, მოიძიოს რუკები კონკრეტული სახელმწიფოს შესაბამისი უწყებიდან.

დავით ხიდაშელის ჩვენების მიხედვით, მას ერთი წლის წინ საქართველოს თავდაცვის სამინისტრომ შუამავლის მეშვეობით 1936-1938 წლებში გამოცემული საქართველოს რუკების მოძიება სთხოვა. ხიდაშელი რუკებს რუსეთის სამ სხვადასხვა ორგანიზაციისა და საქართველოს საჯარო ბიბლიოთეკის არქივში ეძებდა.

ხიდაშელმა რუკები მარტში რუსეთის სახელმწიფო ფედერაციულ საბიუჯეტო დაწესებულებაში მოიძია; „გეოდეზიის, კარტოგრაფიის და ინფრასტრუქტურის სივრცითი მონაცემების სამეცნიერო-ტექნიკურ ცენტრთან“ ხელშეკრულება თავდაპირველად მის მაგივრად „იმ დროისთვის თანამშრომელმა“ სერგეი ბრაგინმა გააფორმა. მოპოვებული რუკებს ხიდაშელმა აპრილში, ისევ რუსეთში, ექსპერტიზა თავად ჩაუტარა; ზაფხულში, ივლისსა და აგვისტოში, მოწვეულ სპეციალისტად დაესწრო შეხვედრებს საქართველოს საგარეო საქმეთა სამინისტროში და საზღვრის დაცვის დეპარტამენტში. შეხვედა საქართველო-აზერბაიჯანის საზღვრის დელიმიტაციის დემარკაციის კომისიის წევრებს, ყოფილ და მოქმედ ექსპერტებს, მათ შორის ივერი მელაშვილს და ნატალია ილიჩოვას, რომლებიც ხიდაშელის მიერ რუკების მოპოვების შემდეგ „უცხო ქვეყნისთვის საქართველოს ტერიტორიის ნაწილის გადაცემისკენ მიმართული მოქმედების განხორციელების ფაქტზე“ დაწყებული გამოძიების მთავარი ბრალდებულები აღმოჩნდნენ.

საქმე საქართველო-აზერბაიჯანის საზღვრის დემარკაცი-დელიმიტაციის პროცესს ეხება, რომელიც 1996 წელს დაიწყო. ორი ქვეყნის კომისიების დონეზე 24 წლის განმავლობაში საზღვრის მხოლოდ 66 პროცენტია შეთანხმებული. საზღვრის შეუთანხმებელ მონაკვეთზეა საქართველოსთვის მნიშვნელოვანი ისტორიული, კულტურული და რელიგიური ძეგლის, VI საუკუნეში აშენებული დავით გარეჯის სამონასტრო კომპლექსის დაახლოებით 2%.

ზაფხულში შეხვედრისას, იხსენებს ხიდაშელი გამოძიებლებთან, მან მელაშვილს და ილიჩოვას ჰკითხა, თუ რატომ არ იყენებდნენ 1938 წლის რუკებს. ხიდაშელის თქმით, საზღვრის დამდგენი კომისიის ყოფილი წევრებისგან პირდაპირი პასუხი მის კითხვაზე არ მიუღია; ნატალია ილიჩოვას ის საკითხის საფუძვლიანად მცოდნე სპეციალისტს უწოდებს.

ხიდაშელი გამოკითხვისას ამბობს იმასაც, რომ მიუხედავად 1996 წლის ივნისის შეთანხმებისა აზერბაიჯანსა და საქართველოს შორის, რაც იმაში მდგომარეობდა, რომ საზღვრის დემარკაციისას 1938 წლის რუკას გამოიყენებდნენ, იმავე, 1996 წელსვე, კომისიამ 1978 წლის რუკებით დაიწყო მუშაობა და ეს ამბავი სიახლეს არ წარმოადგენდა;

დავით ხიდაშელის ჩვენების მიხედვით, რომელსაც „რადიო თავისუფლება“ გაეცნო, 1938 წლისა და უფრო ადრეული საქართველოს რუკების მოპოვების პროცესი ასეა აღწერილი:

● 1919 წლის ოქტომბერი – ხიდაშელს მისი მეგობარი ბეჟან მაისურაძე სთხოვს დახმარებას 1936-1938 წელს

საზღვარს ჯვარი საზღვრავს!



რუკათა და... ქვართა დაღაღი!

გამოშვებული საქართველოს რუკების მოპოვების საქმეში, რომელიც საქართველოს თავდაცვის სამინისტროს სჭირდება.

● საჭირო რუკები ხიდაშელმა მოსკოვში, სახელმწიფო ფედერაციული საბიუჯეტო დაწესებულების, „გეოდეზიის, კარტოგრაფიის და ინფრასტრუქტურის სივრცითი მონაცემების სამეცნიერო-ტექნიკურ ცენტრში“ იპოვა;

● 2020 წლის მარტში ამ რუკების მოსაპოვებლად მის მაგივრად სერგეი ივანეს ძე ბრაგინმა გააფორმა ცენტრთან ხელშეკრულება. ხიდაშელის განმარტებით, ბრაგინის ჩართვა საქმეში იმისთვის დასჭირდა, რომ თვითონ რუსეთის ფედერაციის მოქალაქე არ არის, თუმცა მისივე ცნობით, მოგვიანებით „გეოდეზიის, კარტოგრაფიის და ინფრასტრუქტურის სივრცითი მონაცემების სამეცნიერო-ტექნიკურ ცენტრთან“ თავადაც გააფორმა ხელშეკრულება.

● „გეოდეზიის, კარტოგრაფიის და ინფრასტრუქტურის სივრცითი მონაცემების სამეცნიერო-ტექნიკურმა ცენტრმა“ ხიდაშელს 1:200 000 მასშტაბის 4 რუკა გადასცა. ყველა მათგანი შედგენილი იყო საბჭოთა კავშირის სახალხო კომისარიატთა საბჭოს მიერ.

K-38-22 შედგენილი 1933 წელს;

K 38-23 შედგენილი 1938 წელს;

K 38 28 შედგენილი 1936 წელს;

K 38-29 შედგენილი 1938 წელს.

● დავით ხიდაშელმა ხელშეკრულება გააფორმა სს „სივრცული მონაცემების და სერვისების ოპერატორთან“, რომელმაც თავის მხრივ ხელშეკრულება გააფორმა სს „ურალგეოინფორმთან“. 2020 წლის მაისში გაფორმებული ხელშეკრულების მიზანი იყო საქართველოსა და აზერბაიჯანს შორის 1938 და 1978 წლებში, ისტორიულად არსებული სახელმწიფო სასაზღვრო ზოლის შედარება და ციფრული თემატური რუკების შექმნა. ეს მასალა ხიდაშელმა ივლისში მიიღო.

● საკვლევი მასალა და კვლევის შედეგები ხიდაშელმა საქართველოს 2020 წლის აპრილსა და ივლისში ორ ეტაპად და როგორც თვითონ აღნიშნავს, უსასყიდლოდ გადასცა.

● ხიდაშელმა 1 : 500 000 მასშტაბის, 1938 წელს შედგენილი ქართულენოვანი ადმინისტრაციული რუკა მოიპოვა საქართველოს საჯარო ბიბლიოთეკის არქივშიც. მისი თქმით, ამ რუკაზე მისი მასშტაბის მიუხედავად ნათლად ჩანს, რომ დავით გარეჯის სამონასტრო კომპლექსთან არსებულ მიმდებარე ტერიტორიაზე სახელმწიფო საზღვარი გადიოდა მთის ძირში და არა მთის მწვერვალზე. ამასთანავე, ჩიჩხიტურის კოშკი და ბერების კელიები საქართველოს ტერიტორიაში იყო მოქცეული.

● 2020 წლის 30 ივლისს დავით ხიდაშელი და ბეჟან მაისურაძე საგარეო საქმეთა სამინისტროში ხვდებიან კომისიის თავმჯდომარე ლაშა დარსალიას. ხიდაშელი ამ შეხვედრას მინვესტირებული სპეციალისტის ზტატუსით ესწრება და დღეს უკვე ე.წ. კარტოგრაფების საქმეზე ბრალდებულ ივერი მელაშვილს ეკითხება, რატომ არ გაითვალისწინეს 1938 წლის რუკა და რატომ იყენებდნენ მის ნაცვლად 1978 წლის და შემდგომ პერიოდში შედგენილ რუკებს. ხიდაშელის თქმით, კითხვაზე მას პირდაპირი პასუხი არ მიუღია.

● 2020 წლის 1 აგვისტოს, საზღვრის დაცვის დეპარტამენტში კვლავ შედგა შეხვედრა დავით ხიდაშელისა და ბეჟან მაისურაძის მონაწილეობით. ამ შეხვედრას ესწრებოდა ე.წ. კარტოგრაფების საქმეზე ბრალდებული ნატალია ილიჩოვა, რომელსაც ხიდაშელი იგივე კითხვას უსვამს რუკებთან დაკავშირებით, რაც ივერი მელაშვილს და-

უსვა 30 ივლისს. ნატალია ილიჩოვა მას პასუხობს, რომ რაიონული მინათმომწყობი კომისიების მონაცემებით შედგენილი რუკები შეცდომებით არის დაბეჭდილი და კომისია ამის გამო არ იყენებს მათ.

დავით ხიდაშელი ჩვენებაში ამბობს, რომ მის მიერ მოპოვებულ მასალას გრაფიკული ანალიზი რუსეთშივე ჩატარდა და ჩატარებული სამუშაოების შედეგად დადგინდა, რომ საქართველო-აზერბაიჯანის სახელმწიფო საზღვრის გამყოფი ზოლის ფართობებს შორის 1938 და 1978 წლების რუკების მონაცემებით, სხვაობა 16 164 ჰექტარია, ხოლო 1938 წლის და 2006 წლის დელიმიტაციის კომისიის დოკუმენტაციით განსაზღვრულ შეუთანხმებელ მონაკვეთს შორის 8 601 ჰექტარია. იმის დაზუსტებას, თუ ამ ფართობიდან რა მონაკვეთია საქართველოს და რა მონაკვეთი აზერბაიჯანის მხარეს, ხიდაშელი გამოძიებას ჩვენების მიცემიდან რამდენიმე დღეში შეჰპირდა.

ხიდაშელი გამოძიებას 25 აგვისტოს ჩატარებული გამოკითხვისას ეუბნება, რომ „საქართველო აზერბაიჯანის რესპუბლიკებს შორის არსებული სახელმწიფო საზღვრის გარკვეული მონაკვეთები შეთანხმებულია, მაგრამ არ არის შედგენილი, ხელმოწერილი და რატიფიცირებული საერთაშორისო შეთანხმება, რაც საქართველოს მხარეს შეესაძლებლობას აძლევს, არგუმენტირებულად და დასაბუთებულად საკითხი დააყენოს თუნდაც საზღვრის შეთანხმებული მონაკვეთების გადახედვასა და ცვლილებებზე.“

მან ასევე იცის და ჩვენებაშიც ამბობს, რომ საქართველოს არა აქვს შეთანხმებული ჩიჩხიტურის კოშკი და ბერების კელიები, რომელზეც საქმის მეორე მნიშვნელოვანი მოწმე ბერი კირიონი ამბობს, რომ ეს ტერიტორია „წინა ხელისუფლების არასწორმა და არაპროფესიონალურმა განცხადებებმა დააკარგინა ქართულ მხარეს“.

დავით ხიდაშელი წუხელ საქართველოში დაბრუნდა. 25 აგვისტოს მიცემული ჩვენების მიხედვით ის ასზე მეტი რუკის ორიგინალის და დამხმარე დოკუმენტაციის გადამცემს სვალ გეგმავს სახელმწიფოსთვის.

ქართული მედიის ყურადღების ცენტრში ხიდაშელი პირველად 2020 წლის 13 აპრილს მოექცა, როდესაც 1.2 მილიონი ლარი შეწირა სტოპ-კოვიდის ფონდს.

2004-2009 წლებში ის მოსკოვში იუნესკოს მსოფლიო ტექნოლოგიური უნივერსიტეტის ვიცე-პრეზიდენტად მუშაობდა, 2007 წელს კი შეუერთდა ტელეკომუნიკაციების სფეროში მომუშავე მსხვილ რუსულ საინვესტიციო კორპორაციას Sistema JSFC-ს, სადაც აღმასრულებელი ვიცე-პრეზიდენტის პოსტსაც იკავებდა, ასევე იყო ინოვაციების დეპარტამენტის ვიცე-პრეზიდენტი და დირექტორი.

2012 წლიდან „სისტემის“ დირექტორთა საბჭოს წევრია ქართული წარმოშობის კიდეც ერთი ბიზნესმენი, დავით იაკობაშვილი.

პროკურატურამ საქართველო-აზერბაიჯანის საზღვრის დადგენის საქმეზე სახელმწიფო კომისიის ყოფილი წევრები ივერი მელაშვილი და ნატალია ილიჩოვა 7 ოქტომბერს დააკავა, 8 ოქტომბერს კი სასამართლომ ორივეს წინასწარი პატიმრობა მიუსაჯა. არც ერთი დაკავებული ბრალს არ აღიარებს და გამოძიებასთან თანამშრომლობას არ აპირებს.

სახელმწიფო ბრალდება ამტკიცებს, რომ საზღვრის დელიმიტაცია-დემარკაციის სახელმწიფო კომისიის ყოფილი წევრები აზერბაიჯანთან საზღვრის დადგენისას იმ რუკებს იყენებდნენ, რომელზეც საქართველოს საზღვრები აზერბაიჯანთან არასწორად არის დატანილი, მათ შორის, დავით გარეჯის მონასტრის მონასტრთან.

ნატალია არაბული

საქართველო საპარლამენტო არჩევნებისთვის წინ არს პრეზიდენტის არა აქვს საპარლამენტო ნდობა საგარეო-დოქტრინაში, რომელიც მათ საშუალებას მისცემს, ახსოვდეს უმრავლესობით შევიდნენ პარლამენტში და შეაქონონ, დამოუკიდებლად ჩამოაყალიბონ მთავრობა. დიდია იმ ალამი-ანთა რაოდენობას, რომლებსაც პოზიციის არ გამოუხატავთ, ან არ იცნავენ, ვის მისცემენ ხმას.

მაგალიტად, ეროვნულ-დემოკრატიული ინსტიტუტის (NDI) კვლევის მიხედვით, მხოლოდ გამოკითხულთა 36 პროცენტს აქვს გადაწყვეტილი, ვის მისცემს ხმას. კვლევის შედეგები 14 სექტემბერს გამოქვეყნდა. 17 სექტემბერს საერთაშორისო რესპუბლიკური ინსტიტუტის (IRI) ახალი კვლევის შედეგები გახდა ცნობილი, სადაც გამოკითხულთა 23 პროცენტი ამბობს, რომ არა აქვს გადაწყვეტილი, ვის მისცემს ხმას. გამოკითხულთაგან ვინც იცის, ვის აძლევს ხმას 2020-ის არჩევნებში, მონაცემები პარტიებზე ასე გადანაწილდა:

• ქართული ოცნება	36%
• ერთიანი ნაციონალური მოძრაობა – ძალა ერთობაშია	15%
• ევროპული საქართველო	4%
• სტრატეგია აღმაშენებელი	4%
• პატრიოტთა ალიანსი	4%
• ლეიზორისტული პარტია	3%
• ალექსო ელისაშვილის პარტია	2%
• ლელო	2%
• ბირჩი	2%

სწორედ ამ მონაცემების გამო ჩნდება კითხვა, თუ რა შეიძლება მოხდეს იმ შემთხვევაში, თუ პარლამენტში დაპირისპირებული პოლიტიკური პარტიები შევლენ და ისინი დამოუკიდებლად ვერ შეძლებენ მთავრობის ფორმირებას? ამ კითხვით „ამერიკის ხმა“ ვაშინგტონში გამოცემულ დიპლომატებს მიმართა, რომლებსაც საქართველოს თემატიკაზე აქვთ ნამუშევარი, კარგად იცნობენ ქვეყანაში არსებულ ვითარებას და პოლიტიკურ პროცესებს.

კურტ ვოლკერი რომელიც ამერიკის ელჩი იყო ნატოში და კარგად იცნობს როგორც რეგიონში, ასევე საქართველოში არსებულ პოლიტიკურ ვითარებას ამბობს, რომ პარტიებს შორის ურთიერთობა ძალიან რთული იქნება. დიპლომატი საქართველოში რამდენიმე დღის წინ იმყოფებოდა და როგორც მმართველ გუნდთან, ასევე ოპოზიციურ პოლიტიკურ პარტიებთან გამართა შეხვედრა.

„მე ბევრი რამ ვიცი ორ პარტიას („ქართული ოცნება“ და „ნაციონალური მოძრაობა“) და განსაკუთრებით, ორი პარტიის ორ ლიდერს შორის (მიხეილ სააკაშვილი, ბიძინა ივანიშვილი) მტრობის შესახებ, ასე რომ, რეალისტურად რომ ვფიქროთ, მათ შორის რეალური თანამშრომლობა ძალიან ნაკლებად სავარაუდოა. მე ორივე პარტიაში მყავს მეგობრები და როდესაც მათთან მაქვს საუბარი, რეალურად მათ შორის არსებობს საკითხები, რომლებზეც თანხმდებიან და საკითხებს ერთმანეთს ალიქვამენ. მიუხედავად მხარეებს შორის მტრობისა, ზოგ საკითხზე მათ შეუძლიათ, გამოიხატონ საერთო ენა. შეძლებენ, თუ არა ამას, ეს სხვა საკითხია,“ – ამბობს კურტ ვოლკერი.

მმართველი გუნდი „ქართული ოცნებიდან“ ამბობს, რომ ისინი არჩევნებს მოიგებენ და მთავრობას დააკომპლექტებენ. ამ დროისთვის ამ პარტიას ყველაზე მაღალი ნდობა აქვს საზოგადოებაში ყველა კვლევის მიხედვით. თუმცა, ამ კვლევებით არ იკვეთება, რომ პარტია შეძლებს საკუთარი ძალებით დამოუკიდებლად ჩამოაყალიბოს მთავრობა.

საზოგადოებრივი აზრის კვლევების თანახმად, მეორე ადგილს „ერთიანი ნაციონალური მოძრაობა“ იკავებს. ოპოზიციურ სპექტრში პარტიას ყველაზე მაღალი რეიტინგი აქვს. რამდენიმე კვირის წინ, კი მიხეილ სააკაშვილმა საქართველოში „დაბრუნების“ შესახებ ისაუბრა და თქვა, რომ „პრემიერობა“ სურს.

თუმცა, საქართველოში ჩატარებული კვლევების თანახმად ამ პარტიას არა აქვს საკმარისი ნდობა საზოგადოებაში, რომ მიღებული ხმებით მთავრობა დააკომპლექტოს.

„წინა ხელისუფლებასაც და მოქმედსაც აქვთ დადებითი და უარყოფითი მხარეები. არც ერთი მათგანი არ არის სრულყოფილი. ამ დროისთვის ჩატარებულმა გამოკითხვებმა აჩვენა, რომ არავის აქვს უმრავლესობა. ამიტომ, საჭირო იქნება ერთგვარი კოალიციის შექმნა მთავრობის ფორმირებისთვის. კარგია, რომ პოლიტიკური



ამერიკელი „ნაციონალური მოძრაობის“ ხელისუფლებაში ისევ ხავსს ეჭიდებიან!

კრიზისი დასავლელი პარტნიორების ძალისხმევით გადალახულია და საქართველოში ჩამოყალიბდა ბევრად უფრო პროპორციული სისტემა, ვიდრე ეს იყო წარსულში. ეს უკვე არის ვითარების გაუმჯობესება. როგორც უკვე აღვნიშნე, მოქმედიც და წინა ხელისუფლებაც არ არიან სრულყოფილები. ერთ მხარეს არის ბიძინა ივანიშვილი და „ქართული ოცნება“, მეორე მხარეს მიხეილ სააკაშვილი და „ნაციონალური მოძრაობა“. განსხვავება მათ შორის ის არის, რომ როდესაც სააკაშვილი იყო ხელისუფლებაში, ის იკავებდა კონკრეტულ თანამდებობას, რაც ვერ ვნახეთ ივანიშვილის შემთხვევაში. მე ვისურვებდი, რომ პროცესები უფრო ნაკლებად გახდეს კონკრეტულ პირებთან დაკავშირებული და ის იყოს პრობლემზე დაფუძნებული.

მნიშვნელოვანი არჩევნები იქნება და ეს პერიოდი, რაც არჩევნებამდე არის დარჩენილი, გადამწყვეტ როლს ითამაშებს ქართულ პოლიტიკაში, რადგან ბოლო კვლევები, რომელსაც მე გავყვანი, ერთმნიშვნელოვნად აჩვენებს, რომ ე.წ. გადაუსწვეტელი ამომრჩეველი ძალიან ბევრია. ეს კი ნიშნავს, რომ 31 ოქტომბრამდე მოვლენების განვითარებამ შესაძლოა გავლენა იქონიოს იმაზე, თუ რა გადაწყვეტილებას მიიღებენ ეს ადამიანები,“ – ამბობს დევიდ კრამერი.

პოლიტოლოგები, დიპლომატები და საქართველოს თემატიკაზე მომუშავე ამერიკელი სპეციალისტები ცალსახად ამბობენ, რომ 2020-ის საპარლამენტო

არჩევნები საქართველოსთვის მნიშვნელოვანი იქნება, რათა უნდა მოხდეს დადასტურება იმისა, რომ საქართველო ერთგულია დემოკრატიული პრინციპების მიმართ. ყველა მათგანი ასევე თანხმდება, რომ საქართველოში პოლიტიკური პროცესები მხოლოდ კონკრეტულ პირებზე არ უნდა იყოს დამოკიდებული და ე.წ. მესიების დრო უნდა დასრულდეს. ამის შესახებ „ამერიკის ხმასთან“ ამერიკის ყოფილმა ელჩმა საქართველოში **კენეტ იალოვიცმა** ისაუბრა („ამერიკის ხმის“ ეს დიალოგი ჩვენი გაზეთის წინა ნომერში იხილა მკითხველმა).

კენეტ იალოვიცი ისურვებდა, რომ „ძველმა, გამოცდილმა და ძლიერმა“ ქართველმა პოლიტიკოსებმა საშუალება მისცნ ახალგაზრდებს ჩაერთონ პოლიტიკაში და მათ ქვეყნის მართვაში მიიღონ მონაწილეობა...

საქართველოში საპარლამენტო არჩევნებამდე 17 დღეა დარჩენილი. პროცესს დასავლეთი ყურადღებით აკვირდება. „(ეს ეტაპი) ძალიან, ძალიან მნიშვნელოვანი გამოწვევაა“, ამბობენ ანალიტიკოსები და დიპლომატები ვაშინგტონიდან და იმედოვნებენ, რომ არჩევნები საქართველოში თავისუფალ და გამჭვირვალე გარემოში ჩაივლის.

არის, თუ არა საქართველო დემოკრატიული ღირებულებების ერთგული – ამ ერთგვარ ტესტზე შედეგი 2020 წლის არჩევნების მშვიდ, თავისუფალ და სამართლიან გარემოში ჩატარებით დადგება – ფიქრობენ ისინი.

საბა გუჯაბიძე.

აღმოსავლეთის სარდალი ავღანეთში

1 დეკემბერი ბრიგადის მე-13 ბატალიონის მიერ „მტკიცე მხარდაჭერის“ მისიის მიმდინარეობისა და შესრულებული ამოცანების ადგილზე გაცნობის მიზნით ავღანეთში, ბაგრამის საავიაციო ბაზაზე აღმოსავლეთის სარდალი, პოლკოვნიკი როლანდ ძნელაძე სამუშაო ვიზიტით ჩავიდა. თავდაცვის სამინისტროს ინფორმაციით, ბატალიონის მეთაურმა, ვიცე-პოლკოვნიკმა ვლადიმერ ნათენაძემ სარდალს საინფორმაციო ბრიფინგი ჩაუტარა და ქვედანაყოფის ყოველდღიური საქმიანობის, ასევე არსებული უსაფრთხოების გარემოს შესახებ დეტალური ინფორმაცია მიაწოდა.


ბაგრამის საავიაციო ბაზაზე პოლკოვნიკი როლანდ ძნელაძე მე-13 ბატალიონის პირად შემადგენლობასაც გაესაუბრა და „მტკიცე მხარდაჭერის“ მისიაში ღირსეული სამსახურისთვის მადლობა გადაუხადა. პოლკოვნიკი როლანდ ძნელაძე აღმოსავლეთის სარდალს რანგში ავღანეთის ისლამურ რესპუბლიკაში პირველად იმყოფებოდა. აღმოსავლეთის სარდალად დანიშვნამდე 1 ქვეითი ბრიგადა უშუალოდ მის დაქვემდებარებაში იყო. 1 ქვეითი ბრიგადის მე-13 ბატალიონი „მტკიცე მხარდაჭერის“ მისიის შესასრულებლად ავღანეთში ივლისში გაემგზავრა და აშშ-ის სარდალობის დაქვემდებარებაში ბაგრამის საავიაციო ბაზის უსაფრთხოების დაცვაზეა პასუხისმგებელი.

მი-24 ტიპის მოიარეშე შვეულმფრენები კავშირალურად გარემონტდება

საძარბაველოს თავდაცვის მინისტრის, ირაკლი ღარიბაშვილის მიერ ინიცირებული თავდაცვის ძალების ავიაციის პარკის განახლების პროექტი წარმატებით მიმდინარეობს.

თავდაცვის სამინისტროს ინფორმაციით, წელს პირველად, ქართველი სპეციალისტების მიერ სრულად აღდგება და გარემონტდება თავდაცვის სამინისტროს კუთვნილი საბრძოლო შვეულმფრენები, რომლებიც შერეული საავიაციო ესკადრილიის მარნეულის საავიაციო რეგოლის ბაზიდან თბილისის საავიაციო ქარხანაში უკვე განთავსდა. კავშირალური რემონტი 5 ერთეულ მი-24 ტიპის მოიერეშე შვეულმფრენს ჩაუტარდება.





ჯანსაღი შინა - ჯანსაღი ჰაერი!...

გიორგი კვესიტაძის წიგნი — „თანამედროვე ეკოლოგია: გარემოს მდგომარეობა, დისბალანსის გამოწვევები მიზნები და რეკონსტრუქციის ტექნოლოგიები“

გამომცემლობა „მეცნიერება“ კარგი საჩუქარი მოგვიმზადა — გამოიცა გიორგი კვესიტაძის ნაშრომი — მონოგრაფია: „თანამედროვე ეკოლოგია: გარემოს მდგომარეობა, დისბალანსის გამოწვევები მიზნები და რეკონსტრუქციის ტექნოლოგიები“. სქელტანიანი ნაშრომი, 260 გვერდზე, ოთხ თავში გვაცნობს: არსებულ ეკოლოგიურ მდგომარეობას (თავი 1), ეკოლოგიურ ტექნოლოგიებს (თავი 2), მათ ანალიზს (თავი 3) და ბიოლოგიურ აქტივობაზე აგებული ეკოლოგიურ ტექნოლოგიებს (თავი 4).

ავტორმა შესავალში საჭიროდ ჩათვალა აღენიშნა, რომ ნაშრომის საფუძველია ის კვლევები, რომლებიც დაწყებული იქნა გასული საუკუნის 70-იან წლებში. იმ წლებში, როცა ბედნიერება გვქონდა, მოგვესმინა აკადემიკოს სერგი დურმიშვილის და აკადემიის წევრ-კორესპონდენტ დევი უგრეხელიძის გამოსვლები და მწვავე დისკუსიები იმხანად არსებული საბჭოთა კავშირ-ამერიკის ერთობლივი შემოქმედებითი კოლექტივის AVAEKS-ის ჯგუფთან, რომელშიც ჩვენც შევდიოდით. მას შემდეგ ბევრმა „წყალმა ჩაიარა“ — ჩვენს წინაშეა ახალი, დასრულებული რემედიაციური თეორია, რაც მნიშვნელოვანი სიახლეა და დიდი მონაპოვარი ეკოლოგიურ ტექნოლოგიებში! ეს სიახლე მთელ წიგნს გასდევს თან — ძალზე ცნობილი მოვლენები დანახულია ახლებურად — ალბად ჩვენ — ეკოლოგებს მნიშვნელოვნად გვაკლდა ბიოქიმიური „ხედვა“!

მიეცემა ნაშრომს, რომელიც სულ ახალ და ახალ „აღმოჩენებს“ გვიჩვენებს. პირველ თავში („არსებული ეკოლოგიური მდგომარეობა“), ძირითადი პროცესების ჩამოთვლა — ალერგიის, თითქმის არ იყო მოსალოდნელი მოვლენის სხვაგვარად დანახვა და შეფასება. ეკოლოგიური დისბალანსის გამომწვევი მიზეზების ჩამოთვლისას (ურბანიზაცია,

ნავთობი, აზოტის ოქსიდები, სათბობის წვის პროცესი, მძიმე მრეწველობა, ტრანსპორტის გამოწვევები, მეტალურგიული ქარხნები, ნარჩენები, რადიაციული ეკოლოგია და რადიოაქტიურობის მონიტორინგი, ქიმიური იარაღი, სოფლის მეურნეობა — მეცხოველეობა და მემცენარეობა) ამ თავის მეორე და მესამე პარაგრაფებში უკვე ვხვდებით ორიგინალურ შეფასებებს; (1.2. „ბუნებრივი და ანტროპოგენური ეკოლოგიური პრობლემები“: ატმოსფერული ჰაერი, ნიადაგი, წყალი, სასმელი და სამრეწველო წყალი; 1.3. „საქართველოს ეკოლოგია“: „ჯანსაღი მინა — ჯანსაღი ერი“, „დაცული ტერიტორიების ფართობი აღემატება სახანავი მიწის ფართობს“, „რაც შეეხება ბაქტერიებს“ და ასე შემდეგ).

ნაშრომის მეორე თავში („ეკოლოგიური ტექნოლოგიები“) ჩანს ავტორის მსოფლიოში აღიარებული კვალიფიკაცია, რომელსაც საქართველოში კონკურენტი არ მოეპოვება. აქ განხილული ეკოლოგიური ტექნოლოგიებიდან (ფიზიკური, მექანიკური, ქიმიური, ბიოლოგიური) „დაბინძურებული გრუნტების დამარხვა“ „თერმული დამუშავება“ და სხვები განსაკუთრებული ინტერესს იწვევენ ცალკეული ბუნებრივი არეების გასუფთავების ტექნოლოგიები, ვინაიდან აქ ავტორს მოყვანილი აქვს ქიმიური, ბიოლოგიური და რემედიაციური ტექნოლოგიების სიახლეები. ეს თემატიკა იმდენად საინტერესოდ და ტევადად არის დაწერილი, რომ ავტორი ამ ტექნოლოგიების ანალიზს მესამე თავშიც აგრძელებს.

მონოგრაფიის მესამე თავი („ეკოლოგიური ტექნოლოგიების ანალიზი“) ავლენს ამ ტექნოლოგიების მასშტაბსა

და პოტენციალს. ამ თავში დეტალურად განხილულია სხვადასხვა სახის ეკოლოგიური ტექნოლოგიების თავისებურებები; უდაოდ აღსანიშნავია „მწვანე ქიმიის“ იდეის დამაარსებლების პოლ ანასტასის და ჯონ უორნერის ცნობილი 12 პრინციპი, რაც ქართულენოვან ლიტერატურაში არ შეგვხვედრია. თითქმის მთლიანად ორიგინალურია ამ თავის პარაგრაფი — 3.2. („ბიოლოგიური ტექნოლოგიების საფუძვლები“); აქ განხილულია რემედიაციის ურთულესი პროცესები, დასაბუთებულია, რომ „ბიოეკოლოგიის ძირითად ინსტრუმენტს წარმოადგენენ მცენარეები და მიკროორგანიზმები“. ეს დებულება შემდგომ განხილულია მე-4 თავში („მცენარეებსა და მიკროორგანიზმებზე დაფუძნებული ინოვაციური ეკოლოგიური ტექნოლოგიები“), სადაც წარმოდგენილია ინოვაციური ხასიათის ტექნოლოგიები. დადებითადაა გადაწყვეტილი დილემა: „მცენარე და მიკროორგანიზმი — რამდენად შესაძლებელია ამ ორი ფუნქციურად და ფიზიოლოგიურად განსხვავებული ორგანიზმის მოქცევა ერთი ტექნოლოგიური პროცესის ფარგლებში?“. 2000-ზე მეტი შტამი სოკოებისა, ამდენივე გვარის ბაქტერიებისა, აქტივონომიცეტებისა გამოიყენებოდა უამრავ ნივთიერებათა დაშლაზე. აქ გაკეთებულია მნიშვნელოვანი დასკვნა, რომ უცხო ნაერთის გარდაქმნისას ნიადაგში, მცენარეებთან შედარებით მიკროორგანიზმები უფრო „მარჯვობენ“.

მონოგრაფიაში კიდევ ბევრი საინტერესო და ახალი ცნობებია ავტორის თაოსნობით შექმნილი მიკროორგანიზმების კოლექციის მოვლა-შენახვა-კულტივირებაზე. უნდა დავეთანხმოთ ავტორს, რომ „წარმოდგენილი ეკოლო-

გიორგი კვესიტაძე



თანამედროვე
ეკოლოგია:
გარემოს მდგომარეობა,
დისბალანსის გამოწვევები
მიზნები და რეკონსტრუქციის
ტექნოლოგიები

გიური ტექნოლოგია, რომელიც ითვალისწინებს მცენარეებისა და მიკროორგანიზმების ერთობლივ გამოყენებას, ინოვაციურია და ანალოგი არ გააჩნია“!

გიორგი კვესიტაძის ნაშრომი მნიშვნელოვნად ამდიდრებს ქართულენოვან ეკოლოგიური ლიტერატურის ბიოქიმიურ „მდგენელს“. იგი ბრწყინვალე ნიმუშია კლასიკური სახის იმ მონოგრაფიებისა, რომლებიც ავტორის მრავალწლიანი ექსპერიმენტალური კვლევების შედეგია. ათეული წლების წინ, მეოცე საუკუნის ბოლოს, როცა ჩვენ მიმოვიხილავდით ქართულ ეკოლოგიურ ლიტერატურას, გულისტკივლით აღვნიშნავდით, რომ ქართულენოვანი ეკოლოგიური ლიტერატურა ძირითადად „აღწერითი ხასიათისაა“; ჩვენ მწვავე ნაკლებობას განვიცდიდით ამდგომარ მონოგრაფიებზე. ამჟამად ეს ხარვეზი ივსება; გიორგი კვესიტაძის მონოგრაფია ამის ყველაზე ძლიერი და მკაფიო მაგალითია. მინდა მივულოცო ამ მონოგრაფიის გამოსვლა ქართულენოვან მკითხველს; იმედი მაქვს, მომავალში ახალგაზრდა მკითხველი ამ მონოგრაფიის წაკითხვის შემთხვევაში ქართულ ბიოქიმიკოსთა სამყაროს კარს შეაღებს და მეცნიერული კვლევის საგულისწორო გზას დაადგება.

მარათ ციცქიშვილი,
საქართველოს ეკოლოგიურ მეცნიერებათა
აკადემიის პრეზიდენტი, პროფესორი



პირველი აღსაზრდელები ახალ ბაღში

საერთაშორისო საქველმოქმედო ფონდ „ქართუს“ დაფინანსებით, სოფელ ძველ სიბუღაში ახალი საბავშვო ბაღი აშენდა. გუშინ ბაღმა ფუნქციონირება დაიწყო და პირველი აღსაზრდელები მიიღო, — ამის შესახებ ინფორმაციას სამეგრელო-ზემო სვანეთის სახელმწიფო რწმუნებულის ადმინისტრაცია ავრცელებს. მათივე ინფორმაციით, ბაღის შენობა სრულად აღჭურვილია და ადაპტირებულია აღსაზრდელებისთვის, ეზოში მოწყობილია სათამაშო სივრცე. 60 აღსაზრდელზე გათვლილი თანამედროვე სტანდარტების შესაბამისი ბაღი ხობის მუნიციპალიტეტს ფონდმა „ქართუმ“ მიმდინარე წლის ივნისში გადასცა.

ნალენჯიხის მუნიციპალიტეტში ორი ახალი საბავშვო ბაღი გაიხსნა

სკოლაშენი აღზრდის დაწესებულებებში სასწავლო პროცესი განახლდა. გუშინ ოქანესა და ჯგალში ორი ახალი თანამედროვე სტანდარტების შესაბამისი საბავშვო ბაღი საზეიმოდ გახსნეს ნალენჯიხის-ჩხორწყის მაჟორიტარმა დეპუტატმა გოგა გულორდავამ, ნალენჯიხის მუნიციპალიტეტის მერმა ბესიკ ფარცვანიამ და სკოლაშენის სააღმზრდელო დაწესებულებათა მართვის ცენტრის დირექტორმა ნატო კვარაცხელიამ.

ნალენჯიხის მერიის ინფორმაციით, სასწავლო პროცესის დაწყებასთან ერთად საბავშვო ბაღებში დაცულია ყველა რეკომენდაცია, რომელიც ჯანდაცვის სამინისტრომ კორონავირუსის გავრცელების პრევენციის მიზნით გასცა. საბავშვო ბაღებში მაქსიმალურადაა დაცული ყველა რეკომენდაცია, რომელიც ჯანდაცვის სამინისტრომ შეიმუშავა.

2020 წელს ნალენჯიხის მუნიციპალიტეტში 3 საბავშვო ბაღის მშენებლობა დასრულდა. საბავშვო ბაღების მშენებლობისა და რეაბილიტაციის სამუშაოები მომავალშიც გაგრძელდება.

მკროსაბჭო საქართველოში ახალ პარკებს იწყებს

მკროსის საბჭომ საქართველოში ახალი, 600 000-ევროიანი პროექტი „დამიანის უფლებებისა და ჯანდაცვის ხელშეწყობის გაძლიერება პენიტენციურ სისტემაში“ დაიწყო. ინფორმაციას საქართველოში ევროსაბჭოს ოფისი ავრცელებს.

პროექტი მიზნად ისახავს, დაეხმაროს საქართველოს ხელისუფლებას პენიტენციურ სისტემაში ჯანმრთელობის დაცვის მომსახურების შემდგომ გაუმჯობესებაში, განსაკუთრებული ყურადღება დაეთმოება ფსიქიკური ჯანმრთელობის დაცვას. პროექტი ხელს შეუწყობს პატიმრებისთვის ხარისხიანი ფსიქიატრიული დახმარების, მკურნალობისა და რეაბილიტაციის მისაწვდომობის გაუმჯობესებას და ჯანმრთელობის

დაცვის უზრუნველყოფის კონტროლის ხარისხიანი შიდა მექანიზმის შექმნას.

სსსი შეღავათიანი აბრკოპი- ტის პარკების ფარგლებში

შეღავათიანი აბრკოპი-ტის პროექტის ფარგლებში 2020 წლის 31 ივლისის ჩათვლით, საქართველოში, დაახლოებით, 2 მილიარდ 494 მილიონი ლარის ღირებულების იაფი ფული გაიცა.

ყველაზე მეტი შეღავათიანი სესხი კახეთის რეგიონშია გაცემული. კერძოდ, ასეთი იაფი ფული დაფინანსდა საგარეჯოში მეფრინველეობის ფერმის, გურჯაანის რაიონის სოფელ ყიტაანში კი ხილის გადამამუშავებელი ხაზის მშენებლობის პროექტები. სახელმწიფოს მხარდაჭერით შექმნილ სწავრობებში საქმედებთან და სხვებსაც ასაქმებენ. რა შედეგი მოაქვს ბიზნესის ხელშეწყობის სწორ პოლიტიკას, „იმედის კვირის“ რეპორტაჟში ნახავთ.

პანდემია ჩვენს შემოსავალზე იმოქმედებს

კორონავირუსის პანდემიის გამო, შემოსავალი დაახლოებით 100 000 ადამიანმა დაკარგა. ამის შესახებ ფინანსთა მინისტრის მოადგილემ გიორგი კაკაურიძემ ფრაქცია „ევროპული საქართველოს“ სხდომაზე განაცხადა, სადაც 2021 წლის სახელმწიფო ბიუჯეტის პროექტი წარადგინა.

მისივე თქმით, მომავალ წელს დასაქმებულთა რაოდენობა გაიზრდება და მინიმუმ 20 000 ადამიანი შემოსავალს აღიდგენს.

„წლევანდელ წელს ეკონომიკური შემცირება, რა თქმა უნდა, დასაქმებული ადამიანების რაოდენობაზე იმოქმედებს — გვულისხმობს ბიზნეს სექტორში, დაქირავებით დასაქმებულ ადამიანებს. ეკონომიკური ვარდნა ყოველთვის მოქმედებს. კომპანიების მიერ წარმოდგენილი მონაცემების მიხედვით და ის, რაც დახმარების ფარგლებში ვიცით, დაახლოებით 100 ათას ადამიანამდეა, ვინც შემოსავლი დაკარგა“, — განაცხადა კაკაურიძემ.

ძველი დღიურიდან: გუბინ პატარძელში ანაბდელად წამოაგონდა ტერენტი გრანელი. ნამდვილად პოეტად იყო დაზადებული, და წაიღუდნა: „გაზაფხულის საღამოა მშვიდი, ხიდან ხეზე გადაფრინდა ჩიტი“. თითქმის ბევრი არაფერი, მაგრამ საოცარი სურათითაო, თვალწინ გილგება ის საღამოც და ის ჩიტიცო... პეტრე-პავლეს სასაფლაოზე დაეკრძალეთ, 36 წლის კაცი იყო, ცოტანი ვიყავით. გალაკტიონი მდულანებდა, მთელი წვერი სველი ჰქონდა, ცრემლიანი. მგონი, სიტყვაც თქვა. ჯერ კიდევ ოცდაოთხში ლექსი მიმძღვნაო, ეამაყებოდა, გალაკტიონში არის ღემინი და ჩემში უფრო ანგელოზიაო. ჩემში თურმე მიწა ანათებს, ტერენტი კი ზეცის სხივი ყოფილაო, ჩემში ლურჯ ფერსა ხედავდა, თავის თავში კი უფსკრულსაო... მერე თითო-თითო მუჭა მიწა მივაცარეთ და წამოვედით. იქვე, ახლოსად, ავლაზნაში, ერთ ძველ ღეჭანში შევეხვიეთ და პურზე ღვინო დავაწვეეთ, ჭიქა წავუქცეთო... გოგლა თავისი ღრღინა უტყუარა მტყანა.

გოგლა დასწრება იეთიმა გურჯის დაკრძალვასაც, უკვე 1940 წელს, ი. გრიშაშვილმა შემატყობინა და წამიყვანაო. საწყალი იეთიმა მთელი ცხოვრება სიმართლის ეძებდა და ავი შეიძახა კიდევ ერთ-ერთ თავის ლექსში, სამართალი სად ვეძებო, რუსთაველი მკვდარიაო... დაკრძალვამ იყო აგრეთვე ანდრო თევზაძე, რომელმაც მერე, 1958 წელს, ი. გრიშაშვილის შემდეგ გამოსცა იეთიმ გურჯის ლექსების კრებული. გრიშაშვილი ძალიან პატრონობდა. დაუპატიჟია კიდევ და ფულიც ბევრჯერ მიუციაო. იეთიმა არსებითად თავის „თბილისურ ბოჰემაში“ „აღმოაჩინაო“. ფიროსმანზე ჩაფიქრებულ პოემას თუ თავი დავადგი, იქ იეთიმსაც თავისი ადგილი ექნებაო...

ანდროს „პოეტურ სუნთქვაზე აგებულ-აშენებულ სიტყვას“ უქმბდა. ისეთი ორი სტრიქონი მოკალმა, დავიწყება არ უწერიაო და ხმა-მალა იტყოდა:

ჯუღაშვილი დედამ შობა და სტალინი საუკუნემ... ჩემებურიაო, დააყოლებდა. ეს დიდი, იშვიათი კრებული, რომელიც ლექსებისა და „ნატვრის ხის“ გარდა მესულია გოგლას პირადი მიმოწერა და სხვადასხვა დროს წარმოთქმული სიტყვები, ლიტერატურის მუზეუმის მაშინდელმა დირექტორმა, მეტმა თუ არა, არავისზე ნაკლებმა პოეტმა და მოღვაწემ, პირამთქმელმა იმა ორჯონიკიძემ მაჩუქა 2000 წელს, მუზეუმის მიერ გამოცემული.

გიორგი ლეონიძე მთელი სიცოცხლე ქართული ცხოვრების ავანსცენაზე იდგა, – წერს იმა, – ჩრდილი არც ჰყვარებია, მაგრამ, ასე მგონია, რომ ყოველთვის აკლდა ჩველას სიტყვების სუნთქვა და დაუვიწყარი თავისუფლება...

1966 წლის 9 აგვისტოს შემდეგ 33 წელი გავიდა. დიდი პოეტისა და გამორჩეული საზოგადო მოღვაწის ნამაგარი ქართველ საზოგადოებას სრულად არ გაუზრუნებია. როცა მისი შემოქმედების, სამეცნიერო შრომებისა და მოღვაწეობის ხასიათზე ვფიქრობ, გიორგი ლეონიძის არსებობის განმსაზღვრელად მხოლოდ ერთადერთ სიტყვას ამოვარჩევ უკიდევანო ქართული ლექსიკონიდან. ეს სიტყვა, რა თქმა უნდა, სიყვარულია (დღესდღეობით ძალიან გაცვეთილი და პოპულიზტებისგან შინაარსწარმოებული კი!). სიყვარულზე, მით უფრო, გიორგი ლეონიძის ყოველმხრივ სიყვარულზე მისი დანატოვარი ღალატებს – გულდასმით წაიკითხეთ ეს წიგნი, გაიხსენეთ მისი დაუღალავი სამეცნიერო კვლევა-ძიებანი, სიძველეთა კვალში ჩადგომა და მოპოვებული საგანძურის მუზეუმებში თავმოყრა, გაიხსენეთ ფიროსმანისა თუ სხვათა ღირსეულთა წარმოსახვად, ქართული კულტურის წიაღში დასამკვიდრებლად გაჩეული შრომა და ცხადად დაინახავთ – გიორგი ლეონიძის ჭეშმარიტად მამულისძეველურ და დრო-ჟამისაგან შეუმსყრელ საქმეებს; ერთი ამ საქმეთაგან დღეს მისი უკვდავი სახელის მატარებელი ქართული ლიტერატურის სახელმწიფო მუზეუმის გახლავთ. ჩვენს გან-

ძისაცაც დღესაც მისი ნათელი ადგას და არა მგონია, რომ ეს შარავანდედი ოდესმე გაფერმკრთალდესო.

მედნიერი ვარ, რომ ვაგრძელებ გიორგი ლეონიძის დაწყებულ საქმეს და მჯერა, შთამომავლობა არც მუზეუმის დღევანდელ მუშაკთა თავდადებას აუვლის გვერდსო.

წინამდებარე კრებულს „ოლე“ დავარქვითო, – ამბობს იმა, – და არა მგონია განათლებულ საზოგადოებას ამ ზუსტი და მშვენიერი მეტაფორის ამოკითხვა გაუჭირდესო.

ჩემს წარმოსახვაში ძმებდახვრეტილი და თავისუფლებამართებული გიორგი ლეონიძე ტრაგიკული მემკვიდრის შემოქმედად არსებობსო.

დღეს გიორგი ლეონიძის სახელობის ქართული ლიტერატურის სახელმწიფო მუზეუმი დიდი სიყვარულითა და მოწიწებით შექმნილი ამ წიგნით მთელს საქართველოს ულოცავს მამულის სამსახურში ბოლომდე დახარჯული კაცის, დიდი პოეტისა და სა-

წიგნი გამოსული – „ლომონოსოვი – შექსპირის მეტოქე?“... ლომონოსოვს დაუწერია პიესა კულიკოვის ბრძოლაზე – „ტამირა და სელიმი“. აქვე ლაპარაკია ლომონოსოვის სამეფო წარმომავალზე. პეტრე პირველი, რუსეთში გადახვეწილ მაგრატიონთა უთუო ერთ-ერთი ნაღდი შთამომავლის ბუმი, ხშირი სტუმარი ყოფილა რუსული ჩრდილოეთისაო („Русский север“). არაერთი თეორიის თანახმად, ლომონოსოვი პეტრეს შვილი ყოფილა, ანუ, როგორც საბა იტყოდა, ბუშის შვილი (ნამიჭვარი). გამოდის, რომ ლომონოსოვსაც მაგრატიონთა სისხლი უჩქეფდა ძარღვებში... ანდა რა არის საკვირველი, რუსეთში განა ცოტანი არიან ქართველი უხსნიერი, უკანონო შვილებით?!..

ერთხელ ბულგაკოვის გაიხსენა, თუ არა სტალინი, ალბათ, მაგის შედეგია „ოსტატი და მარგარიტა“ ვერ დაიწერებოდა, ახალი დროის ლიტერატურულ ჩინოვნიკთაგან შედონებულს რევოლუციური საფეთქელზე ჰქონია მიბჯენილი, როცა სტალინს

ბეჭდა ჩემი ინფორმაცია და ალექსანდრე ტვარდოვსკი მოვისხენიე, სხვა პოემებთან ერთად, როგორც „ჭიანჭველების ქვეყნის“ ავტორი. გოგლას გაზეთი დილითვე ენახა და დამირეკა, ბიჭო, სტურუამ დამირეკა, იალღიაში მოგსვლიაო, ტვარდოვსკის პოემა „მურავიის ქვეყანა“ და არა ჭიანჭველეთა მისაო. გოგლას მადლობა ვუთხარი და მეორე დღის ნომერში დაბუსტება გამოვაქვეყნე, მაგრამ, ცხადია, ამან ვერ მიშველა, ის შეცდომა დღემდე თავს არ მანებებს.

მარემ აქვე ვიტყვი ერთსაც. მაშინ მწერალთა კავშირის თავმჯდომარე უკვე გრიგოლი იყო, აბაშიძე, რომელმაც ირაკლი აბაშიძე შეცვალა. როგორც ამბობენ, სწორედ იქ, აეროპორტში უკითხავს ტიხონოვს, – ა გდე ირაკლიო, და კარლო კალაძეს ეგრევე ლექსად „უჯახებია“:

„როცა ქვეყანას კაცი აკლია, გრიშაც ის არის, რაც ირაკლიაო...“ აბა, ტიხონოვი ქართულს რას გაიგებდა, და როგორც რომ „ლომონოსოვის რუსულის“ მკოდნისთვის, გოგლასთვის უთხოვნიათ სტუმრის „საქმის კურსში ჩაყენება“...


„წყნარი ღონის“ ავტორი გულწრფელი პატივისცემით იყო განწყობილი გიორგი ლეონიძის მიმართ. საქართველოში სტუმრობისას ირაკლი აბაშიძესთან ერთად სწორედ გიორგი ლეონიძე იყო იმისი მასპინძელი. სტუმრობის ერთ დღესაც ირაკლი აბაშიძემ და გოგლამ ვარძიისკენ გაასიერნეს შოლოხოვი, მგონი, გიორგი ჯიბლაძე და დავით მჭედლიშვილიც იყვნენ. „მის“ში უკან ისხდნენ გოგლა და სტუმარი. გოგლა მარცხნივ, სტუმარი მარჯვნივ. ვარძიას რომ მიეუახლოვდით, სტუმრის მხარეს უცებ გაიღო კარი, და გოგლა წამისუბლ რომ არ ჩაბლაუჭებოდა, ნამდვილად უმღერებდა მოხდემოდა... შოლოხოვმა სულ

ფეხით მოიარა მთელი ვარძია და ბოლოს იქვე, სახელდახელო ტრაპეზზე თქვა, რაღა პეტრას ქალაქი და რაღა ვარძიაო, რაც მასპინძელთათვის სასიამოვნო მოსასმენი იყო.

მერე, მეორე დღეს, ფასანაურს აჩვიეს სტუმარი. ფასანაურის რესტორნის ეზოში წითლად ღვითოდა ვარდების პატარა ბაღი. შოლოხოვმა ჯაყვა ამოიღო, ჭიბის დანა, ყველაზე დიდი და ლამაზი, მღვრივალა ვარდი შეაჭრა ბუჩქს და თქვა, ეს ვარდი ჩემგან საქართველოს პირველ პოეტს ეკუთვნისო, და გოგლას გულის ჯიბეში ჩაუცურა... შოლოხოვი, საერთოდ, კარგად იცნობდა ქართულ მწერლობას, ქართულ კულტურას. თავის საყვარელ ლექსად მიაჩნდა ბარათაშვილის პასტერნაკისეული „ცისა ფერს“ („Синий цвет“), განსაკუთრებით გამოჰყოფდა გაუთ-ფშაველას შემოქმედებას, ნამდვილად ჰომეროსიაო, ამბობდა... თუ აქეთ წამოვალთ, უფრო ჩვენებურ პუშკინს და შოტლანდიელ მერნს მაგონებსო. ვინც ამერიკელ თოროს იცნობს, გაუთ თავისი ფილოსოფიით, სწორედაც თოროს ემიძამვილებო...

გაყრამ გოგოშვილი

ჩემი ბიოგრაფიკი, ლეონიძე, პინს ქართული პინს ნაყოფიარ სოდაბუნში, როგორც გულთმისანამ გუთნისდაბა, მარადიული ღალიანი ორნატი ბათიარა



ზოგადო მოღვაწის საუკუნოვან იუბილესო... დეკემბრის ქარი შემოდგომის ჭრელაჭრულუმს ატრიალებს პავრის უხილავ მორევში... მუზეუმის პატარა ბაღში ყველა ხე და ბუჩქი შიშველია... მაგრამ მაღელვარებული მოვა, მოქანდაკე ბიძინა ავალიშვილის მიერ შექმნილი გიორგი ლეონიძის ახლახან აღმართული ძეგლის ფერხითი ულამაზესი ვარდ-ყვავილეები გაბმულგზიან და მისში, გიორგობას, როგორც თავად უყვარდა, ისეთ დღეობას გადავუხდით აქ, მის საყვარელ სახლშიო.

იოსებ სტალინი და გიორგი ლეონიძე, ორი ერთმანეთისგან განუყრელი მეოცესაუკუნელი, ღვთივხელდასხმული არსება იყო, რომელთაც მეცხრამეტეში უდგათ ფესვი... რა თქმა უნდა, გოგლა არამც და არამც არ ამართლებდა 30-იანი წლების შავ ამბებს, განსაკუთრებით ინტელექტუალთა თავსდატეხილს, მაგრამ იმასაც ხმამაღლა ამბობდა, რომ იმხანად დრო ისეღოთეს ეგრეთ წოდებულმა კვრულანტებმა და დამბეზღების კორიანტელი დაატრიალესო. საკავშირო უშიშროების კომიტეტში ყველაზე მეტი საჩივარი თურმე საქართველოდან შედიოდა ნიაღვრად, მწერლებში კი უსინდისოდ ასმენდნენ ერთმანეთსო. თუმცა მართლ ჩვენს ქვეყანაში არ ყოფილა, ამერიკაში ეგრა პაუნდი 12 წელიწადი ჰყავდათო ამერიკელებს ფსიქიატრიულში გამოკეტილი ფაშობისა და ნაციზმის მხარდაჭერისა გამო. ამავე მიზეზით ევროპაში ციხის კედლებს ლესავდნენო გაბრიელ დიანუნციო, მარტინ ჰაიდელერი და კნუტ ჰამსუნიო... მერე ასეთ სახალისო ამბავთაც მოაყოლებდა ხოლმე: იყო იმუამად ერთი ფილოსოფოსი ქალი ოლგა ვოიტინსკაია. ქმრის დაჭერის შემდეგ ენა ჩავარდნოდა (ფილოსოფიაში ამას უარყოფის უარყოფითად მოიხსენიებენო). ერთ საღამოს სტალინს დაურეკავს მოსაკითხად. არ ვიცი, შიშისგან თუ სიხარულისგან, იქნებ მეშველაო, ოლგას ქაჯანასავით ენა ამოუდგამსო... მერე ახლა ლომონოსოვს გადასწვდებოდა. მოსკოვში ჟურნალ „ნეფას“ რედაქტორის ნატალია განცევას

დაურეკავს და იმასაც გადაუფიქრებია თავის მოკვლაო...

თბილისში მოკავშირე რესპუბლიკათა ლიტერატურის დღეები იმართებოდა. თითქმის ყველა რესპუბლიკიდან ჩამოვიდნენ მწერლები. სტუმრებს დახვდნენ დევი სტურუა, გრიგოლ აბაშიძე, გიორგი ლეონიძე, კარლო კალაძე, ბესო ჟღენტე, იყო ხევენა-ვოცნა, ერთმანეთის მოკითხვა. ბოლოს გოგლამ იკითხა, რაღაც ბელორუსიდან არავინ არა ჩანსო. როგორ არაო, შეეპასუხა კარლო, აბა, ეგ ვინ არის, შენ გვერდითო, ბესოზე მიუთითა, ბელორუსი არ არისო? გოგლა უცებ ვერ მოხვდა, აქეთ-იქით დაიწყო ცქერა. ისედაც წამოჭარხლეული ალბინოსი ბესო კიდევ უფრო წამოჭარხლდა, კარლო, გეყოფა, სულ ხო არ უნდა იმიმუნო, გაუმზაზდა ბესო კარლოს. გოგლას უშიშროება კარლოს ხუმრობა და გულთანად გადაიხანხარა. ტვარდოვსკიმ ზედ დაიხედა, რა მოხდაო, იკითხა. გოგლამ გადაუენა, რაც მოხდა, და სტუმარსაც მოეწონა ბესოს ბელორუსობა... სხვათა შორის, მეორე დღეს „კომუნისტში“ დაი-



© ხელოვანი დროში

ამერიკელი ქართველი შემოქმედი უშანგი ქუმელაშვილი: ბრძელი გზა სამშობლოსკენ

ერთხელაც, გოვლამ ითავა, და სტუმარი კახეთში წაიყვანეთ, პატარძელის გავლით, გოვლამ ჯერ თავისი სახლ-კარი დაათვალიერებინა, სახელდახლო ტამბლაკ გაშალა, მერე მდინარე ინწობისკენ გავეჩეთ, ალაზნის შენაკადისკენ. როგორც თადარიგიან მასპინძელს, გოვლას წინასწარ დაერევა და ინწობის ნაპირზე სუფრა გაემლავებინა. შოლოხოვს ძალიან ესია-მოვნა მდინარის პირას ნადიმი. მართალია, დონისხელა მდინარე ვერ დაგახვედრეთო, გოვლამ, მაგრამ, თქვენ თუ ეს პატარა მდინარე არ დაგამახსოვრდათ, სამაგიეროდ, ამ პატარა მდინარე ინწობას ემასსოვრებით დიდი წყნარი დონის მქუხარე შვილიო. ოჰ, რა მოქარგული ლაპარაკი იყო, შოლოხოვმა, ზეგზე ხელი დაჰკრა გოვლას...

ნადიმი შემინდებამდე გავრძელდა. კახური ძელგია, ოღონდ ფრანგულ და ესპანურ ლვინოვებზე ნაზად შემპარავიაო. გორში სტუმრობაზე აქ ზევს ალარაფერს ვიტყვი, რადგან ამაზე არაერთხელ დავწერე უკვე, თუმცა ორიოდე სიტყვა მაინც უნდა ვთქვა. გაქანებული „ხრუშჩოვიზმის ხანა“. სტალინის თითქმის ხსენებაც კი აკრძალულია. ის კი არა, ვიგინდარა ნიკიტას რომ გაუგია, შოლოხოვი საქართველოში მიდისო, ჯერ მუჟანადისთვის დაურეკავს, რა სტუმარ-მასპინძლობა აგოცდებო, მერე თვითონ შოლოხოვისთვის უთქვამს, არ წახვიდეთო.

როგორც შოლოხოვი ამბობდა, ნიკიტა ნამდვილად გაეაწმილე როცა ვუთხარი, სტალინისთვის მაქვს პირობა მიცემული, რომ ერთხელ მაინც ვეწვევოდი საქართველოსო. მართლაც, ჩამოვიდა თუ არა, მეორე დღესვე გორში ჩავიდა, სტალინის სახლი და მუზეუმიც დაათვალიერა. ჩანაწერიც დატოვა. ხომ წარმოვიდგენიათ, რას განიცდიდა გიორგი ლეონიძე, როცა მსოფლიოში სახელდიდი რუსი მწერალი (ჯერ ნობელი არ ჰქონდა მიღებული) სტალინს გენალურ პიროვნებად ისენიებდა, წრფელი სიყვარულითა და პატივისცემით ივლინებდა.

ერთხელ სტალინმა მოსკოვში თურმე იმ დროს დაურეკა, შოლოხოვი, როგორც რომ არცთუ იშვიათად, კარგა გვარიანად ნასვამი ყოფილა, თანაც რეაქტიული მქონდაო დალეული. ხელად ცივი შხაპი გადავივლე და წავედი კრემლშიო, პოსკრეზნიშევი გაფრთხილებული იყო და პირდაპირ შევდი, მივემშვიდობე ზელადსო. ახლო არ მიესულვარ, შემატყობს-მეთქი, მაგრამ თვითონ მოვიდა, ხელი ჩამომართვა და მკითხა, რას მწერა „გატყბილი ყამირის“ მეორე წიგნით, თან გამიღიმა, მაგრამ მკითხა, რა მდგომარეობაშიც ვიყავი, მაგრამ ვითომ არაფერიო, ისე დაიჭირა თავიო. დადლილი ჩანხართ, გეტყობათ, მეგრს მუშაობთო, ახლა წადით, დაისვენეთ, გამოიძინეთ და სხვა დროს შევხვდეთო. ისე, „ყამირის“ მეორე წიგნს რაც მალე დაამთავრებთ, კარგი იქნებაო. ცოტა კი დავიშენი, ოღონდ მალევე მოვედი გონს და წამოვედი. ისიც წამოვიდა, კარამდე მიმაცილაო.

საქართველოში ცოლთან ერთად ამერიკიდან იყო ჩამოსული ემიგრანტი გიორგი პაპაშვილი, რომელიც წარმოშობით დუშეთი იყო და 30-იან წლებში შტატებში გადავიდა. იქაური მწერალი ქალი შვირთო და, რაკი ენას დაეფულა, თვითონაც იმ დონეზე გამოწერალდა, რომ მალე რამდენიმე წიგნს გამოცემა. ერთი თავისი ქართულ-ამერიკული თავგადასავალი („ყველაფერი შეიძლება მოხდეს“), მეორე მთლიანად ქართული ზღაპრები, ამერიკულ ყაიდაზე გადაინგლისურებული... გოვლამ ჯერ ლიტერატურის ინსტიტუტში მოუწყო ცოლ-ქმარს შეხვედრა, მერე ახლა დუშეთშიც ახლდა თან... იმხანად თბილისს სტუმრობდა, ისიც მწერალ მეუღლესთან ერთად, თვალსაჩინო ფრანგი მწერალი და ფილოსოფოსი სარტრი. გოვლამ სასტუმრო ინტერნისტი ერთმანეთს შეახვედრა სარტრი და პაპაშვილი, რომელთაც თავ-თავიანთი წიგნები გაცვალეს. სარტრმა თავისი ცნობილი რომანი „სიტყვები“ უსასოვრა პაპაშვილს, ის-ის იყო კოტე ჯავნიშვილმა მიართვა თავისი ქართული თარგმანის ახალ-თახალი გამოცემა. პაპაშვილმა კი ქართული ზღაპრების ამერიკული გამოცემა მიუძღვნა ინგლისურზე წარწერით... არ იგულმაიწყოთ, თქვენი ნაცნობობა-მეგობრობის ნათლია მე ვარო, დაიბუხუნა გოვლამ. როგორც მერე ამბად მოვიდა, გოვლამ ნათლობაზე სარტრსაც დაწერა და პაპაშვილსაც. გოვლა ხუმრობდა ხოლმე, ნათლულები მთელ მსოფლიოში მყვანანო, მერე ახლა როგორი ნათლულებიო!

(გაგრძელება იმდგა)



ფარმანისა და მოქანდაკის უშანგი ქუმელაშვილის სახელი ქართველმა საზოგადოებამ არცთუ დიდი ხნის წინათ გაიცნო — მას შემდეგ, რაც საზღვარგარეთ თითქმის ნახევარსაუკუნოვანი მოღვაწეობის შემდეგ იგი სამშობლოში დაბრუნდა. მკითხველს იქნებ ახსოვდეს კიდეც, რომ შარშან ოქტომბერში ჩვენს გაზეთში 2017 წელს უკან დაბრუნებული ქართველი შემოქმედის შესახებ ჟურნალისტი ნინო კობახიძის სტატია „სჯობს სახელისა მოხვეჭა“ (საქართველო გულში) დაიბეჭდა.

ბედნიერებაა და ილბალიც, დაიბადო საქართველოში, და მერე სხვაგან იღვანო, მაგრამ, დამეთანხმებით, ხელოვანს ეპატიება, ძაღლები მოსინჯოს სამშობლოს გარეთაც. მან გაბედა, მოსინჯა და მერე როგორ! ჯერ რუსეთში მოღვაწეობს მოსკოვის ენუკოვოს კულტურის სასახლეში, შემდეგ გადადის კალუგაში, სადაც ქმნის კონსტანტინე ციოლკოვსკის ქანდაკებას, მერე 80-იან წლებში ამერიკაში მიდის. მი-სი ნამუშევრები გამოიფინება და იყიდება, როგორც ამერიკის სხვადასხვა ქალაქში,


ისე დასავლეთ ევროპასა და ჩინეთში. ხოლო მის მიერ შესრულებული მარკ ტვე-ნის, ომარ ხაიამის, ნიკოლო პაგანიის გორელიეფები ადგილს იკავებენ კალიფორნიის „ინჯელ კემპის“ მუზეუმში. წლების განმავლობაში იგი ამერიკის მოქანდაკეთა საზოგადოების და მოქანდაკეთა საერთაშორისო ცენტრის ჟიურის წევრია, ასევე ათეული წლები ჰოლვუდის სახელოსნოში მოღვაწეობს.

მისი შემოქმედების თემატიკა მრავალფეროვანია, თანაც თანმიმდევრული: ძველი სამყაროს სიბრძნის მქადაგებელი წმინდანებით დაწყებული ცათა სასუფეველის ძიებით დამთავრებული. იგი იყენებს პიბრიდულ სტილს, რომლის ფესვებიც კლასიციზმში, იმპრესიონიზმში, სიურრეალიზმსა და აბსტრაქციონიზმში უნდა ვეძიოთ. ბატონი უშანგი ქუმელაშვილის საქართველოში დაბრუნების შემდგომ მოღვაწეობასა და შემოქმედებაზე ვესაუბრები მის მეგობარს, ცნობილ მომღერალს **ენრიკო ჯანელიძეს**:

შევეცადე, ბატონი უშანგი ჩამება ქართულ საზოგადოებრივ საქმიანობაში, დახმარება გავეწიე ფაზისის საერო-სამეცნიერო აკადემიაში მის განვრებაში, საქართველოს მხატვართა კავშირში მიღებაში. გავაცანი დიდებული ქართველი შემოქმედები, მათ შორის გიგა ბათიაშვილი, ვახტანგ დავითაია, გივი თოიძე, რეზო ადამია, გოგი გეგეჭკორი, გურამ ცერცვაძე, რომლებმაც მაღალი შეფასება მისცეს მის შემოქმედებას, თუმცა კი გაკვირვება გამოხატეს ასეთ რთულ პერიოდში მისი ჩამოსვლის გამო.

შემოქმედს, რომელსაც ეგონა, რომ სამშობლოში მალე მოიპოვებდა აღიარებას, იმედები არ გაუმართლდა. მისი ნამუშევრები ქართველმა საზოგადოებამ მხოლოდ რამდენიმე გამოფენაზე იხილა — ასზე მეტი შექმნილი ნამუშევრიდან, სამუხაროდ, ვერც ერთის გაყიდვა ვერ შეძლო...

თუმცა შემოქმედი სულიერად მაინც არ გატყდა და მეც ვურჩიე მას, რომ ქართველი საზოგადოებისთვის თავის უკეთ გასაცნობად, რამდენიმე სახელოვანი მამულიშვილის სკულტურული პორტრე-



ტი შეექმნა. ასეც მოხდა. წლეულს 1 აგვისტოს მცხეთაში ცნობილ მკურნალ ბიჭიკო ასკურავას დაბადების დღეზე გადავცით მისივე ქანდაკება საჩუქრად. 8 ოქტომბერს კი ხალხის საყვარელ მსახიობს თენგიზ არჩვაძეს გადავცით ასეთივე ძღვენი ნიშნად მისი მშ-ე დაბადების დღისა, რომელიც სულ მალე კოტე მარჯანიშვილის თეატრში დაიდგმება. სექტემბერში უწმინდესთან და უნეტარესთან, საქართველოს კათოლიკოს-პატრიარქ ილია მეორესთან გვქონდა შეხვედრა საპატრიარქოში. გადავცით ამერიკაში დამზადებული სურათი — ნახატი უშანგი ქუმელაშვილის მიერ შექმნილი. პატრიარქმა დალოცა მხატვარი და ურჩია ბატონ უშანგის, კვლავ გაეგრძელებინა ბავშვებთან მუშაობაც და თავისი შემოქმედებაც.

იგი კვლავაც განაგრძობს პედაგოგიურ მოღვაწეობას გორში, დიდსა თუ პატარას ხატვას ასწავლის, თავადაც მხატვრულ ტილოებზე მუშაობს.

ოთარ ტურაბალიძე

„თეატრალური იმერეთი 2020“

ძუთაისში იმერეთის თეატრალური ფესტივალი გაიხსნა. ქვეყანაში შექმნილი ეპიდემიუციის გამო საზეიმო გახსნა ღია სივრცეში, ლადო მესხიშვილის სახელობის სახელმწიფო დრამატული თეატრის „მწვანე სცენაზე“ გაიმართა.

„თეატრალური იმერეთი 2020“ თავისი მასშტაბით მნიშვნელოვანი კულტურული მოვლენაა არა მხოლოდ იმერეთის რეგიონისთვის, არამედ ზოგადად, ქართული თეატრისთვის. ის ემსახურება ახალი სახეების გამოვლენას, თეატრის პოპულარიზაციას, თეატრალური დასებისთვის დამატებითი მოტივაციის შექმნას და პროფესიული ხარისხის გაზრდას. ეს ფესტივალი კარგად წარმოაჩენს, რომ საქართველოში ერთ-ერთი ყველაზე გამორჩეული და მდიდარი თეატრალური მხარე იმერეთია. ქართული თეატრის მნიშვნელოვანი და უდიდესი არტისტული ნაკადი სწორედ ჩვენი მხარიდან არის. იმერეთი გამოირჩევა იმითაც, რომ ამ რეგიონში ყველაზე მე-



ტი პროფესიული და მოყვარული თეატრალური დასი ფუნქციონირებს და ეს ფესტივალი მათთვის კიდევ ერთი დამატებითი შესაძლებლობაა, მრავალრიცხოვანი აუდიტორიის წინაშე წარმოაჩინონ საკუთარი შემოქმედება. უკვე არაერთი წელია, ტარდება ეს ფესტივალი და მან უკვე მიიღო საერთაშორისო სტატუსი. მინდა, მაღლობა გადავუხადო ფესტივალის სამხატვრო ხელმძღვანელ ლევან როსვაძეს, რომლის დამსახურებითაც ფესტივალი 2000 წელს დაარსდა და 11 წლის შემდეგ აღდგა. მაღლობა მას იმ ღვანლისთვის, რაც გასწია მთელი ამ წლების განმავლობაში თეატრალური კულტურის პოპულარიზაციისათვის, — განაცხადა სახელმწიფო რწმუნებულმა იმერეთის მხარეში ზვიად შალამბერიძემ.

ფესტივალი 21 ოქტომბრის ჩათვლით გაგრძელდება. სპექტაკლები 18:30 საათზე დაიწყება. დასწრება თავისუფალია.



„ისტორიის კონკურსი“

სიმონ ჯანაშიას სახელობის მუზეუმში „ისტორიის კონკურსის“ გამარჯვებულები დაჯილდოვდნენ. პირველი ადგილი 15 წლის დავით მიქაუტაძის ნამუშევარმა დაიმსახურა.

„მიგრაცია — ცხოვრება ახალი ფურცლიდან“ ეს იყო წლევაწდელი საერთაშორისო კონკურსის თემა, რომელშიც 15-დან 18 წლამდე ასაკის 70-ზე მეტი კონკურსანტი მთელი საქართველოს მასშტაბით მონაწილეობდა.

მათ ახლობელი წინაპრების მიგრაციასთან დაკავშირებული ისტორიები გამოიკვლიეს. წარსულის აღმოსაჩენად კონკურსანტებმა ძველი ფოტოები, წერილები და არქივი დაიხმარეს. გამარჯვებულებს გადაეცათ პრიზები. პირველი ათეულის ნამუშევარი კი წიგნის სახით გამოიცემა.

კონკურსი წელს მეორედ გაიმართა და გერმანიის საგარეო საქმეთა სამინისტროს ფინანსური მხარდაჭერით განხორციელდა.



რუსეთის „მეგობრული“ მავნებლობა:

გადაჩეხიან თუ არა აფხაზები იზოლაციის, გლობალური პრობლემებისა და მუდმივი სტრესის პირობებში

პრიმისი, კორონავირუსი, ნარკოტიკები. აფხაზეთისთვის 2020 წელი ერთგვარ გამოცდად იქცა. თითქოს თავად სამყარო ცდილობს, გაარკვიოს, გადარჩებიან თუ არა აფხაზები იზოლაციის, გლობალური პრობლემებისა და მუდმივი სტრესის პირობებში.

კორონავირუსული ინფექციით დაავადებულითა რაოდენობის ყოველდღიური ზრდა მეტყველებს დიდი ეპიდემიის დაწყებაზე, რომელიც აფხაზეთის პირობებში სრულიად შესაძლებელია, ფატალურად იქცეს. უსუსტესი მედიცინა უკანასკნელი ძალებით იბრძვის და უკვე თითქმის დანებდა, ისევე, როგორც ბიუჯეტი, რომელიც აქამდე განწირულად ცდილობდა მრავალრიცხოვანი „ხერხების“ ამოცნებას და ბოლოს ხარჯები მინიმუმამდე დაიყვანა. ცხოვრება ძვირდება, ბიზნესს შემოსავალი არ მოაქვს, დახმარება არსადაცაა მოსალოდნელი. აი, ასე შეიძლება, მოკლედ აღიწეროს სადღეისოდ აფხაზეთის ყოფა.

ვერაგმა დაავადებამ, რომელმაც მსოფლიოში მილიონობით ადამიანი იმსხვერპლა, არა მარტო შეაღწია აფხაზეთში, არამედ თავისუფლად ნაფარდობს კიდევ, დახვდა რა ამისთვის ნოყიერი ნიადაგი. მკაცრი კარანტინი არ შემოუღიათ, სუსტი შეზღუდვები კი მხოლოდ გრანდიოზული ეპიდემიის დაწყების დროისთვის დაწესდა. ამასთან, ქვეყანაში სეირნობას ათასობით ტურისტი, რომელთა ჯანმრთელობის მდგომარეობა არავის შეუშინებია და ამას არც აპირებს. ამას ემატება ხალხმრავალი ქორწილები, სკოლების მუშაობა, მიუხედავად ინფიცირებული მოსწავლეებისა და პედაგოგების ყოველდღიურად მზარდი რაოდენობისა. მედიკოსები პრაქტიკულად ყოველდღიურად აღრიცხავენ პაციენტების გარდაცვალებას. ამასთან, დაავადება მძიმედ გადააქვთ უკვე არა მარტო ხანდაზმულებს, არამედ ჯანმრთელ ახალგაზრდებსაც. 6 ოქტომბერს კი, აფხაზეთში პირველად დაფიქსირდა ინფიცირებულითა რეკორდული მაჩვენებელი – 103 მოქალაქე. პანდემიის პერიოდში უკვე გარდაცვლილია 21 ადამიანი. ამ დროისთვის გამოვლენილ ინფიცირებულთა საერთო რაოდენობა 2170-ს აღწევს.

ამ დღეებში ვესაუბრე ახალგაზრდების ჯგუფს. მათი აზრით, ხელისუფლების უმოქმედობას სრულიად გარკვეული აზრი აქვს. „ისეთი განცდა მაქვს, რომ ჩვენი განადგურება სურთ. კორონავირუსი შეუერთდა ჩვენს არაკეთილმოსურნეებს და ახლა ისლა დაგვრჩენია, ვაკვირდებოდეთ, როდის გააკეთებს ის თავის შავ საქმეს“, – თვლის ჩვენი თანამოსაუბრე. მისივე აზრით, რუსეთი გამიზნულად ბლოკავს მედიკამენტების შესყიდვას, მათ აფხაზეთში შეტანას, რითაც ადგილობრივი მედიკოსე-

ბის ძალისხმევა ნულზე დაჰყავს. „რუსეთს აფხაზეთი დიდად არც ადრე უყვარდა, მაგრამ რაც ახლა ხდება – მთელი ეს პრესინგი – ჩვენი ტერიტორიების მშვიდობიანი გზით ხელში ჩაგდების მცდელობად აღიქმება“, – თვლის მეორე. ახალგაზრდა ქალის თქმით, რუსი მოღვაწეების მთელი ბოლოდროინდელი საუბრები აფხაზეთის მიერთებაზე, ჰაერადან არ მოსულა. „ეს მათი ვერაგი გეგმაა, რომელსაც ჩვენი უფროსები დიდი ხნის წინ უნდა მიმხედარიყვნენ. ახლა კი გამოდის, რომ ჩვენი ხელისუფლება ველარაფერს იზამს და მოსახლეობისთვის მიმდინარე მოვლენების შესახებ სიმართლის დამალვით მხოლოდ ხელს უწყობს რუსეთის გეგმას. ჩვენებს შესაძლოა, ეს არც უნდოდეთ, მაგრამ ხალხისგან ჩაკეტივით მხოლოდ ესმარებიან მტერს ჩვენს დაჯახებაში“, – თვლის ჩვენი თანამოსაუბრე.

სტრატეგიული პარტნიორის, მიჯნობისა და მეგობრის – რუსეთის მიმართ სიტყვა „მტარმა“ რისაშალიკაში შეადარებით ცოტა ხნის წინ გაიჟღერა. მსგავსი მოსაზრებები მას შემდეგ გაჩნდა, რაც გაირკვა სიმაღლეთი იმის შესახებ, რატომ არ ჰყოფნის აფხაზეთში პერიოდულად ტესტები, მედიკამენტები და სამედიცინო აღჭურვილობა. როდესაც ამ სიახლეს დაემატა იმის აღქმა, რომ რუსეთს არ სურს, თავის კოვიდ-ცენტრებში აფხაზეთის მაცხოვრებლებს უფასოდ უმაკრანალოს, საზოგადოებაში დაიწყო საუბრები მსგავსი მომხდომის განხილვის შესახებ. ახლა კი, როცა დაავადება უკვე სტატისტიკა რისაშალიკაში გავრცელებული პირობებით იზრდება, ყველა სხვა განსაზღვრის შესაძლოა, ფსოუზა საზოგადოების ჩაქაჩვას დაემატოს. თანაც ცალმხრივად. და რუსეთმა კოლეგა აფხაზი მედიკოსი ამის შესახებ უკვე გააფრთხილა.

ეპიდემიის დასაწყისში აფხაზურ საზოგადოებას ყოველდღიურად აიძულებდნენ, რომ რუსეთიდან დახმარება მოვიდოდა, თავად ინფიცირებულებს კი საჭიროების შემთხვევაში კრასნოდარის მხარის სამედიცინო დაწესებულებებში უმკურნალებდნენ. ხანგრძლივად და ლამაზად საუბრობდნენ რუსეთის ჯანდაცვის სამინისტროს მიერ შემუშავებულ მარშრუტზაციაზე, რომელიც, აფხაზეთის მცხოვრებლების საჭიროებებზე და მეტ კომფორტზე იყო აგებული. რეალურად კი, მძიმე პაციენტებს მალულად უშვებდნენ საქართველოში. პირ-

ველ ხანებში ხალხმა ამის შესახებ ბევრი არაფერი იცოდა და რუსეთის ხელისუფლების სჯეროდა. თავის საქმეს აკეთებდა მედიკოსი, რომელიც პერიოდულად აანონსებდა რუსი და აფხაზი მედიკოსების შეხვედრებს „ყველაზე მაღალ დონეზე“. მაგრამ როდესაც ავადმყოფების საქართველოში გაყვანის ფაქტები მომრავლდა, მოსახლეობამ დაიწყო უხერხული კითხვების დასმა, რომლებზეც პასუხები ამ დრომდე არ მიუღია.

ახლა უკვე პაციენტები ენგურს გალმა კლინიკაში სრულიად ლეგალურად გაჰყავს, ჯანდაცვის სამინისტრო ყველა საჭირო საბუთს გასცემს. რესპუბლიკის ხელმძღვანელობამ პირველად შეძლო, დაეშოშმინებინა ენგურის საზღვარზე მდგომი რუსეთის სასაზღვრო სამსახურის წარმომადგენლები, რომლებიც პრობლემებს ქმნიდნენ. ახლა ისინი დიდად უკვე აღარაფერში ერევიან და უკმაყოფილო სახეებით ასრულებენ პასიური დამკვირვებლის როლს. საქართველოში ავადმყოფების დაუბრკოლებლად გაყვანის შესაძლებლობა შედარებით ცოტა ხნის წინ გაჩნდა, დაახლოებით სექტემბრის შუა რიცხვებიდან. მაშინ, ყველა საჭირო საბუთის ფლობის შემთხვევაშიც კი რუსი სამხედროები ენგურს გალმა გადასვლის ყველა შესაძლებლობას ალკვედნენ. იყო შემთხვევები, როცა მძიმე ავადმყოფს, რომლის ტრანსპორტირება რეანიმობილით ხორციელდებოდა, უკან აბრუნებდნენ. პანდემიის პერიოდისთვის ჩაკეტილი საზღვარი აქ აბსოლუტურად არაფერ შუაშია. რუსი სამხედროები ცალმხრივ რეჟიმში წყვეტდნენ, ვის შეეძლო და ვის არა აფხაზეთის ტერიტორიის დატოვება, ადგილობრივი ხელისუფლება კი მსგავს თვითნებობაზე გავლენას რთულად თუ ახდენდა.

მოარული ჭორების სანადალმდეგოდ, საქართველოში ჩვენს პაციენტებს სამედიცინო დახმარება სრულიად უფასოდ ეწევათ. კვალიფიციური სამედიცინო დახმარების მისაღებად ენგურს გალმა გამსვლელთა ნაკადი ყოველდღიურად იზრდება. ნაწილს ზუგდიდში ტოვებენ, ყველაზე მძიმე შემთხვევებში კი პაციენტები თბილისში გადაჰყავთ.

ამ დროს გუდაუთის კოვიდ-ცენტრი შემოღობილია ნაკადს გაუმკლავდეს. თაფიცირებულითა ნაკადს გაუმკლავდეს. თაფიცირებული ადგილები თითქმის აღარ რჩება. პალატებში ერთად აწვენენ ბავშვებსა და უფროსებს, მათ შორის – მედიკოსებსაც, რომლებიც სხვების მკურნალობისას დაინ-

ფიცირდნენ. აფხაზეთის ხელისუფლებამ კი, პირველად ამ ხნის განმავლობაში, მიმართა მოსახლეობას გაფრთხილებით ვითარების გაუარესების თაობაზე. არადა, აფხაზი მედიკოსები ამ პროგნოზს ბევრად ადრე – ეპიდემიის საწყის ეტაპზე იძლეოდნენ. მაგრამ მაშინ მათ „მშობრები“ უნდოდა და რეალური ვითარების ხელოვნურად გაბუჟების მცდელობაში დაადანაშაულებს, მოსახლეობას კი უბრძანებს, „არაპატრიოტი“ მედიკოსების პროგნოზებისთვის არ დაეჯერებინა და „უახლოეს ხანებში“ რუსეთიდან დახმარების მიღების იმედი ჰქონოდა.

მწვავე აუცილებლობა უკვე დადგა, დახმარება კი როგორც აქამდე არ იყო, ისე არაა ახლაც. ამიტომაცაა ხალხი იძულებული, ახლობლების სიცოცხლე საქართველოში გადაარჩინოს. და თუ ადრე მათ, ვინც ქართველი მედიკოსების დახმარებით ისარგებლა, სამშობლოს მოღალატეობად რაცხავდნენ, ახლა ყველაზე დაუოკებელი მოწინააღმდეგეებიც კი მიწუმიდნენ, რადგან გააცნობიერეს, რომ აფხაზეთის მაცხოვრებლებს მომავლიდან სენისგან სხვა ვერაფერი და ვერაფერი გადაარჩენს.

სტრატეგიული პარტნიორი კი, დახმარებისა და მხარდაჭერის ნაცვლად, აფხაზეთში არა მედიკამენტებსა და სადღეისო საშუალებებს აგზავნის, არამედ ულტიმატუმებს, რომლებიც არა მარტო ხალხს, არამედ აფხაზურ სახელმწიფოსაც დალუბავს.

„ვინც ჩვენი ეროვნული უსაფრთხოებისთვის საზიარო პირობებს გეთავაზობს, აფხაზეთის მეგობარია? – არა, ის აფხაზეთის მტერია. თუ მაიძულებს, შევასრულო პირობები, რომელიც ჩემს ერს კლავს, იძულებული ვარ, ჩემი ხალხის მტრად განვიხილო“, – ამბობს გეოპოლიტიკური პრობლემების აკადემიის პროფესორი, რუსეთის პრეზიდენტის ადმინისტრაციასთან მოქმედი „ევრაზიულ ეკონომიკურ კავშირთან ინტეგრაციისა და „აბრეშუმის გზის“ სტრატეგიის“ საქესპერტო ჯგუფის წევრი ანატოლი ოტირბა.

და რას ამბობენ ამ ფონზე ჯანდაცვის სამინისტრო და ზოგადად აფხაზეთის ხელისუფლება? – დუმან, რადგან სხვა გზა არ რჩებათ. ვერ უშეღებ მსოფლიოს სიმართლეს იმის შესახებ, რომ აფხაზეთისთვის ყველაზე რთულ დროს რუსეთმა მას არათუ დახმარების ხელი არ გაუწოდა, პირიქით, ყველაფერს აკეთებს, რომ დალუბოს სახელმწიფო, რომლის დამოუკიდებლობა ოდესღაც პირველმა თავად აღიარა.

ასტანდა გზანა

რუსეთის წინააღმდეგ სანქციები გახანგრძლივდა

სანქციები 2021 წლის 16 ოქტომბრამდე გაგრძელდება იმ პირობით, რომლებიც კავშირში არიან ქიმიური იარაღის გამოყენებასა და გავრცელებას. მათ შორის არის ოთხი პირი, რომლებიც მონაწილეობდნენ სკრიპალების მონაშვლის საქმეში სოლსბერიში. შემზღუდავი ზომები სულ ცხრა ადამიანის წინააღმდეგ იმოქმედებს. სანქცირებულია სიაში შეყვანილი კიდევ ხუთი პირი სირიის ხელისუფლებას უკავშირდება. სანქციების ქვეშ მოყვა სირიის სამეცნიერო კვლევითი ცენტრი, რომელიც, ევროკავშირის განცხადებით, ქიმიური იარაღის დამზადებით არის დაკავებული.


სანქციები ფიზიკურ პირებს ევროკავშირში შესვლას უკრძალავს. ამკრძალავი ღონისძიებები ასევე ითვალისწინებს ფიზიკური და იურიდიული პირების აქტივების გაყინვას.

ზალენსკი პუტინს ეწვია

ზალენსკის ვლადიმერ პუტინთან შეთანხმების სჯერა. მან განაცხადა, რომ სწორედ ამის წყალობით იქნება შესაძლებელი ოკუპირებული დონბასისა და ყირიმის დაბრუნება.

„მე მჯერა ამის, თორემ უკრაინის პრეზიდენტობაზე არ წავიდოდი. ეს ძალიან რთულია და აქ მთელი მსოფლიოს დახმარება გვჭირდება, ეს მართალია, მაგრამ მე არ ვვარგავ ამ რწმენას“, – აღნიშნა ზელენსკიმ. უკრაინის პრეზიდენტმა ამბობს, რომ რეიტინგებს და ძალაუფლებას უპირატესობას არ ანიჭებს და წარუმატებლობის შემთხვევაში, მზადაა, თანამდებობა დატოვოს.

„თუ მე ვერ დავამთავრე ომი, მაშინ უნდა მოვიდეს სხვა ადამიანი, რომელსაც ჩვენს ქვეყნებს შორის ამ ტრაგიკული ისტორიის დასრულება შეუძლია“, – განაცხადა ვლადიმერ ზელენსკიმ.



საქართველოს რესპუბლიკა

პარიზის „ოლიმპიის“ საკონცერტო დარბაზის პროექტორებით გაჩირაღდნებულ სცენაზე პატარა ტანის, ოდნავ წელში მოხრილი, ფერმერთაღი, დაძარღვული, სევდისთვალეზა, მორცხვი, კაფანდარა ქალი მოჩანს. ნამდვილად ვერ წარმოიდგენ, რომ ეს პიროვნება აგერ-აგერ ხმას ამოიღებს და ყველას გააოცებს. პირველი შთაბეჭდილება ამის საშუალებას ნამდვილად არ იძლევა, მაგრამ აი, მისი დაბალი ჟღერადობის, გულიდან ამოხეთქილი, ხავერდოვანი ხმა უკვე მთელ დარბაზს ეფინება, ყველას ხიბლავს, აჯადოებს, სულსა და გულს უფორიაქებს. ეს ედიტ პიაფაა, ფრანგი მსახიობი და მომღერალი, ესტრადის სწორუპოვარი ვარსკვლავი.



ზაფხულიც მოვა“, „ცა ჩამოინგრა“, „სიყვარულის ჰიმნი“, „დღესასწაული“, „მანანალა“, „დეპეშა“, „აკორდეონისტი“, „პატარა“, „რა დაგემართა ჯონ“, „გულის ამბავი“ და უამრავი სხვა.

ოკუპაციის პერიოდში პიაფი ხშირად გამოდიოდა ტყვეთა ბანაკებში გერმანიის ტერიტორიაზე, რითაც თავისი შესანიშნავი ხმით და სიმღერით თანამემამულე სამხედრო ტყვეებს მძიმე მდგომარეობას უმსუბუქებდა და უადვილებდა. მომღერალს უდიდესი წარმატება მოუტანა ომის შემდგომმა პერიოდმა. მას აღფრთოვანებით უსმენდნენ ფრანგი გლეხიც და ინტელიგენციის წარმომადგენელიც, მუშებიც და ინგლისის დედოფალიც... ამასობაში, ედიტმა თავისი თავი სრულად იპოვა, ამავე დროს, უდიდესი დახმარება აღმოუჩინა დამწყებ მომღერლებს – იგ მონტანს, ედი კონსტანტენს, ანსამბლ „კომპანიონ დელა შანსონ“, შარლ აზნაურს და მრავალ სხვას. 1954 წელს მან ჟან მარესთან ერთად მთავარი როლი შეასრულა ისტორიულ ფილმში „მე თუ მომითხრობენ ვერსალის შესახებ“...

მიუხედავად მსმენელის სიყვარულია, მომღერლის ცხოვრება სულ უფრო და უფრო მარტოობისკენ მიისწრაფოდა. იგი წერდა: „მსმენელი გულში გიკრავს, თავის გულს გიხსნის. შენ იცნები მისი სიყვარულით, ის კი შენით. შემდეგ ჩამქრალ დარბაზში გესმის მიმავალი ნაბიჯების ხმა. ეს ჯერ კიდევ შენი ნაბიჯებია, ჯერ კიდევ კარგად გრძნობ თავს. ამის შემდეგ გადისარ ქუჩაში და ხვდები, რომ მარტო ხარ“.

1958 წელს ედიტმა გამოსვლები დაიწყო პარიზის „ოლიმპიის“ საკონცერტო დარბაზში. წარმატება ფანტასტიკური იყო. გამოსვლების შემდეგ მან თერთმეტთვიანი ტურნე მოაწყო აშშ-ში. ამერიკაში „ვერსალის“ საკონცერტო დარბაზში გამოსვლის შემდეგ ჟურნალისტი ნერინი წერდა: „... სცენაზე გამოჩნდება თუ არა ერთი ციდა, აბრეშუმის შავ კაბაში გამოწყობილი ედიტი, დარბაზში აღტაცებული შეძახილები გაისმის. სიმღერის გამოვრებას მოითხოვენ. გახელებული გოგონები მაგიდებს აწყდებიან, ტაშის ცემით იკლებენ იქაურობას. პიაფს სცენიდან არ უშვებენ, იმ იმედით, იქნებ ერთხელ კიდევ გვიმღეროს“.

მას ფუფუნება და ძვირფასეულობა სულ არ აინტერესებდა. თითქმის ქუჩაში გაზრდილს, უბრალოება უყვარდა. მიუხედავად იმისა, რომ საკამო თანხებს იხვეჭდა, საკუთარი თავისთვის ძალზე ცოტას იმეტებდა. მთელი მისი შემოსავალი თვალსა და ხელს შუა ქრებოდა მის გარშემო მყოფთა შორის.

ფიზიკურმა და ემოციურმა დატვირთვებმა მომღერლის ჯანმრთელობა შეარყია. 1961 წელს მას უკურნებელი სენის – კიბოს დიაგნოზი დაუდგინეს. 1962 წლის 25 სექტემბერს ეიფელის კოშკიდან მღეროდა სიმღერებს – „არა არაფერს ვნანობ“, „ბრბო“, „მილორდი“, „შენ არ გესმის“, „სიყვარულის უფლება“...

მისი ბოლო სასცენო გამოსვლა 1962 წლის 18 მარტს შედგა. დარბაზმა ხუთწუთიანი ოვაციი მოუწყო თავის რჩეულს. სწორედ ამ დროს ის ცუდად შეიქმნა და სცენაზე წაიქცა, რის შემდეგაც ფართო საზოგადოების წინაშე აღარ გამოჩენილა.

1963 წლის 11 ოქტომბერს ედიტ პიაფი 48 წლის ასაკში გარდაიცვალა. მისი ნეშტი პარიზის პერ ლა შუზის სასაფლაოზე 40 ათასზე მეტმა ადამიანმა მიაცილა, ბევრი ცრემლსაც ვერ იკავებდა. ყვავილების გროვამ მთლიანად დაფარა ედიტის ბოლო განსასვენებელი.

წელს, 19 დეკემბერს, 105 წელი სრულდება შანსონეს დედოფლის დაბადებიდან. მისი გულიდან ამოფრქვეული ხმა დღესაც უდიდეს სიაზიზებას გვრის მსმენელს.

გელა ძოძიაშვილი,
ვოკალისტთა კონკურსების ლაურეატი,
ქართული კულტურის
ამაგლარი,
მეცნიერების ასოცირებული ლექტორი,
სიღნაღის საპატიო მოქალაქე
(გელ. 551 49 19 97).



იგრძნობთ, რომ იგი სისხლი და ხორცია სოფლისა, მისი პირში და განუყოფელი ნაწილი... რომ იცოდეთ, რა ნიჭიერია ეს პატარა ქალის საცხოვრებელი სახლის დიდი ეზოს შუაში დგას მოხეტიალე მომღერალი და მისი წკრიალა, ომახიანი ხმა ზარივით ეფინება არემარეს...“

1935 წელს ოცი წლის ედიტი ქუჩაში ლუი ლუპლემ შეამჩნია. ლუპლე ელისის მინდვრებზე მდებარე პრესტიჟული კაბარე „ფერნისის“ მეპატრონე იყო. მან ედიტს თავის პროგრამაში გამოსვლა შესთავაზა, რაზეც დაითანხმა კიდევ. ლუი ლუპლემ ბევრი რამ ასწავლა ახალგაზრდა მომღერალს: სიმღერის ამორ-

ედიტ პიაფი – მომღერალი „ბელურა“



ცნობილია, რომ თითქმის ყველა გამოჩენილი პიროვნების საქმიანობა შემთხვევითაა სიტუაციაში განსაზღვრად. ასე მოხდა ედიტ პიაფის დროსაც. მან გაიცნო პოეტი და კომპოზიტორი რეიმონ ასო, რომელმაც საბოლოოდ განაწესა მომღერლის მომავალი. მას უდიდესი წვლილი მიუძღვის „დიდი პიაფის“ აღმოჩენაში. მან ედიტს ასწავლა არაოდე პიროვნული ქცევები, არამედ ძირფესვიანად აუხსნა ეტიკეტიკა და ჩაცმის თავისებურებები. აიღო რა ედიტის ინდივიდუალურობა საწყისად, რეიმონ ასომ შექმნა „პიაფის სტილი“. მან დაწერა სიმღერები, რომლებიც მხოლოდ ედიტის ხმას მიესადაგებოდა: „პარიზი – ხმელთაშუა ზღვის სანაპირო“, „ის ცხოვრობდა პიგალის ქუჩაზე“, „ჩემი ლეგიონერი“, „სიცოცხლე ჩემი, გარდის-

ჩევა, აკომპანიატორთან რეპეტირება, არტისტის ჩაცმის აუცილებელი ვიზუალური თავისებურებები, მიმიკის და ფესტიკულაციის მნიშვნელობა. სწორედ ლუპლემ მისცა ედიტს სცენური გვარი – პიაფი, რაც პარიზულ ჟარგონზე „ბელურას“ ნიშნავს. აქედან მოყოლებული მისი ნამდვილი გვარი – გასიონი შეიცვალა და ბოლომდე პიაფი დარჩა. უკვე კაბარე „ფერნისის“ აფიშებზე მონაწილეთა შორის „გოგონა ბელურას“ სახელი ჩნდება, რამაც თავისთავად დიდი ინტერესი გამოიწვია და ედიტს გარკვეული წარმატება მოუტანა.

1936 წლის 17 თებერვალს ედიტ პიაფი მონაწილეობს „მედრანის“ ცირკში გამართულ დიდ კონცერტში, სადაც იგი იმ დროის ისეთ დიდი მომღერლებთან ერთად გამოდის, როგორებიც იყვნენ: მორის შევალე, მისტანგეტი, მარი დიუზუა და სხვები, მაგრამ სულ მალე ედიტის კარიერის წარმატებული წინსვლა ტრაგედიამ შეაჩერა. თავში ნასროლი ტყვიისგან ლუი ლუპლე გარდაიცვალა. ვინაიდან, გარდაცვლილის ანდერძში ედიტ პიაფისადმი განკუთვნილი თანხა იყო მითითებული, პიაფი ექვმიტანილთა შორის აღმოჩნდა. ფრანგულ გაზეთებში ფართოდ გაშუქდა ეს ისტორია, ზოგჯერ დამახინჯებითაც, რამაც საზოგადოებაში არაერთგვაროვანი რეაქცია გამოიწვია. ამან ედიტის მიმართ გარკვეული მტრული განწყობა შექმნა, რაც მის კარიერას დასასრულს უქადდა. მომღერალს რეპუტაციის აღსადგენად გარკვეული დრო დასჭირდა.

ფერი შუქით ინთება“, „ნამცეცა ბელურა-სავით“, „ქუჩის მეორე მხარეს“, „არ ვიცი, რა მომელის ბოლოს“ და სხვა. რეიმონმა მიაღწია იმასაც, რომ ედიტმა შეძლო პარიზის სახელგანთქმული მიუზიკ-ჰოლის „ABC“-ის სცენაზე გამოსვლა. ეს უკვე დიდ აღიარებას და წარმატებას ნიშნავდა. ასევე რეიმონის თხოვნით მომღერალმა ფსევდონიმი „გოგონა პიაფი“ შეცვალა „ედიტ პიაფით“, რომელსაც სიცოცხლის ბოლომდე ატარებდა. „ABC“-ში გამოსვლის შემდეგ პრესა წერდა: – გუშინ „ABC“-ის სცენაზე დიდი მომღერალი დაიბადა.

მეორე მსოფლიო ომის დაწყებისთანავე, ედიტი რეიმონ ასოს დაშორდა. მოგვიანებით მომღერალმა გაიცნო რეჟისორი ჟან კოკტო, რომელმაც შესთავაზა პიესაში „ლაბაში და გულგრილი მამაკაცი“ მონაწილეობა. დადგმას დიდი წარმატება ხვდა წილად. 1940 წელს კინორეჟისორმა ჟორჟ ლაკომბმა გადაიწვიტა პიესის ეკრანიზაცია და 1941 წელს ფილმში „მონმარტრის მდინარე სენაზე“ ედიტმა მთავარი როლი შეასრულა. ამის გარდა მომღერალმა მთავარი როლები ითამაშა ფილმებში – „უსახელო ვარსკვლავი“ და „მომავალი მიჯნურები“.

მეტად საინტერესოა, პიაფის დამოკიდებულება ახალგაზრდა ფრანგი კომპოზიტორების მიმართ. არსებითად მისგან გაიცნო ფართო საზოგადოებამ მათი სიმღერები. ასეთთა შორისაა: „შენგნით ჭკუაზე ვარ შემლინი“, „სად არის ჩემი ნაცნობი“, „მოძველებული ფირფიტა“, „კლოუნს – ვაშა“, „ქორნილი“, „გა-

ერთა ლიგა

სპორტში დამკვიდრებული პრაქტიკის თანახმად, ხშირად, როცა შესვენებებს შორის სულ რამდენიმე დღიანი პაუზაა, მწვრთნელები როტაციას მიმართავენ და ძირითად ბირთვს დასვენების საშუალებას აძლევენ.

ასეთი ნაბიჯის გადადგმით კიდევ ერთხელ ხდება შესაძლებელი უახლოესი რეზერვის „საქმეში ხილვა“, ასე რომ, არაფერი საგანგაშო ერთგვარ ექსპერიმენტში არაა — ხომ უნდა ვიცოდეთ, ვინ აკაკუნებს ძირითადი შემადგენლობის კარზე და ვის რამდენად საფუძვლიანი ამბიცია გააჩნია წამყვან პოზიციაზე დასაინაუტრებლად.

აღნიშნულის გათვალისწინებით, სავსებით ლოგიკური გახლდათ საქართველოს ეროვნული ნაკრების სლოვაკი თავკაცის ვლადიმირ ვაისის გადაწყვეტილება, რომელმაც ბელარუსთან როგორც ფიზიკურად, ისე ფსიქოლოგიურად მომქანცველი ბრძოლის შემდეგ მხოლოდ კანკავა და ყაზაიშვილი დატვირთა, დანარჩენებს კი ტრავმების მოშუშებისა და, უბრალოდ, სულის მოთქმის ფუფუნება მისცა.

სომხეთი — საბარტეველი 2:2

(პირველი ტაიმი 1:0)

გოლები: ბაირამიანი, მხითარიანი

(პენალტით); კაჭარავა, ოქრიაშვილი.

პოლონეთის ქალაქ ტიხში ჩვენს სამეზობლოში გახსლებული საომარი მოქმედებების გამო გადატანილმა ერთა ლიგის მეორე გათამაშების „C“ დივიზიონის ჯგუფური რაუნდის მატჩმა თვალნათელი გახადა განსხვავება ლეგიონერთა და „კრისტალბეთ“ ეროვნული ლიგის წარმომადგენელთა ოსტატობასა და მზადყოფნის დონეს შორის.

საილუსტრაციოდ თამაშის დებიუტშივე მაკარიძის კარში გატანილი გოლიც გამოდგება, როცა სისწრაფეაკრეფილი ბარსეგიანი ფლანგიდან საჯარიმოში „პრავადნიკით“ შეაცილა ჯილაურმა, იქ ბურთმა ტურისტული გაინავარდა კობახიძის სამეურვეო ზონაში, ყველაფერი კი ნავალოვსკის საცირკო პირუტყვითა და ანგარიშის გახსნით დაგვირგვინდა (სხვათა შორის, ამ ეპიზოდში შენგელიას ექიმები მკურნალობდნენ და მინდორზე ათნი ვიყავით).

დასახელებულ მომენტზე იმიტომ შე-



ვაჩერეთ თქვენი ყურადღება, რომ სამივე „ჯვაროსანი“ ეროვნული ჩემპიონატის ლიდერის „ბათუმის“ წევრია.

მართალია, შესვენების შემდეგ საკუთარი უპირატესობა ლოგიკურ დანინაურებაში ავსახეთ, მაგრამ ბოლო წუთებზე თამაშის სადავებები მეტოქეს დაუვით და კიდევ ერთი, ამჯერად დაუშვით უნებლიე შეცდომის გამო მეორედ დავისაჯეთ.

ხვალ სკოპიეში ევროპის ჩემპიონატის ფინალურ რაუნდში მოსახვედრად

ჩვენი გუნდის მომავალ მეტოქესთან ჩრდილოეთ მაკედონიასთან გენერალური რეპეტიცია გველის. მის პირდაპირ ტელერეპორტაჟს საზოგადოებრივი მაუწყებლის პირველი არხი 22 საათიდან და 45 წუთიდან შემოგვთავაზებს.

ესტონეთი — ჩრდილოეთ მაკედონია 3:3 (ბოლო წუთებამდე სტუმრები 1:3-ს აგებდნენ).

სატურნირო მდგომარეობა პირველი წრის შემდეგ: ჩრდილოეთ მაკედონია, საქართველო — 5-5, სომხეთი — 4, ესტონეთი — 1 ქულა.

გიორგი შოთაძე

მინაწერი: ჩვენი კოლეგები უკვე მეორე კვირაა თუთიყუშებით იმეორებენ, ევროპის ჩემპიონატზე სიკვდილის ჯგუფს ავცდით (გერმანია, პორტუგალია, საფრანგეთი) და ნიდერლანდებს, უკრაინასა და ავსტრიას შევხვდებით. რა შედეგითაა, არა?!

ზოგი იმასაც იმედოვნებს, ჩვენი ყოფილი პირველი ლედისადმი პატივისცემის ნიშნად მისი სამშობლოს ქვეშევრდომნი დაგვიწოდებენ ისევე, როგორც მეგობარი სლავური სახელმწიფოს შვილები.

ხალხნო! ჯერ გადავხედოთ და პოპ მერე დავიძახოთ, თანაც გვახსოვდეს, რომ მხოლოდ საკუთარი თავის იმედად უნდა ვიყოთ!

ბ. შ.

ოკეანის გაღმა — მეფური ნაღავლი

ათწლიანი პაუზის შემდეგ ნბა-ს ჩემპიონობა დაიბრუნა „ლოს ანჯელეს ლეიკერზმა“, რომელმაც ფინალური სერია 4:2 მოუგო „მაიაში ჰიტს“. კალიფორნიელებმა აღნიშნული ტიტული კოპი ბრაიანტისა და მისი 13 წლის ქალიშვილის ჯანას ხსოვნას მიუძღვნეს, რომლებიც ავიაკატასტროფაში დაიღუპნენ.

თითქოს ინტრიგა მეხსიერებაში გააღვიძა, რომელშიც ფლორიდელებმა 111:108 გაიმარჯვეს და ჩამორჩენა მინიმუმამდე დაიყვანეს — 2:3, მაგრამ ეს ერიკ სპოელსტრას გუნდის ბოლო გაბრძოლება აღმოჩნდა. **ყველაზე შედეგიანები:** ჯიმი ბატლერი (40 ქულა, „მაიაში“); ლებრონ ჯეიმსი (35 ქულა, „ლეიკერზი“).

„მეფე“ გადამწყვეტ შეხვედრაშიც გაიბრწყინა, რომელიც გუშინ გამთენიისას გაიმართა და



მეტოქის უშანსო კაპიტულაციით დასრულდა — 106:93. მან სეზონი მორიგი სამმაგი დუბლით დახურა: 28 ქულა, 14 მოხსნა, 10 პასი, რამაც ფანტასტიკურ კარიერაში, თანაც 36 წლის ასაკში, მეოთხე ოქროს ბეჭედი და ასევე მეოთხე MVP-ს ნოდება მოუტანა.

საგულისხმოა, რომ თანამედროვეობის უდავოდ გამორჩეულმა სპორტსმენმა წლევეანდელ მსოფლიოს ჩემპიონობას, როგორც თავად ოკეანისგალმელები უწოდებენ, მესამე კლუბში მიანა (2012 და 2013 წლებში სწორედ „მაიაში“ და 2016 წელს — „კლივლენდ კავალიერზში“). სხვათა შორის, გუშინ ანალოგიური ჰეთ-თრიკი შეასრულა დენი გრინმაც, რომლის წინა ტრიუმფებიც „სან ანტონიო სფურზს“ და „ტორონტო რეპტორს“ უკავშირდება.

რაც შეეხება „ლეიკერზის“ თავკაც ფრანკ ფოგელს, იგი ნბა-ს ისტორიაში მეექვსე მწვრთნელი გახდა, ვინც თავისი მოღვაწეობის პირველივე სეზონში შეძლო შეგირდების ტახტზე აყვანა.

დასაფასებელია მისი თანაშემწის ჯეიმსი კიდის წარმატებაც, რომელმაც „დალას მავერიქსის“ მოთამაშეობისას მოპოვებულ ჩემპიონობას უკვე ახალ ამბულაში დამსახურებული ჯილდო დაუმატა.

დავძენთ, რომ ან უკვე ნბა-ს ოთხგზის ჩემპიონის ლებრონ ჯეიმსის ახალი სამიზნე ლეგენდარული მეჯიკ ჯონსონი გახლავთ, რომელმაც პოპულარულ კლუბში 5 ტიტული მოიხვეჭა.

ვიტალი ჯაფარიძე

როლან გაროსი — მქოხნის მქოხნი

რაფაელ ნადალმა მეცამეტედ(!) მოიგო „როლან გაროსი“ და დიდი სლემის საერთო მაჩვენებლით ლეგენდარულ შვეიცარიელს როჯერ ფედერერს დაეწია — 20-20 (უახლოესი მდევარი — ნოვაკ ჯოკოვიჩი: 17).

საამისოდ მსოფლიოს მეორე ჩოგანს საფრანგეთის ღია ჩემპიონატის ფინალში საერთაშორისო რეიტინგის ლიდერი ნოვაკ ჯოკოვიჩი უნდა დაემარცხებინა, რაც გულშემატკივარს მძაფრი ბრძოლისთვის განაწყობდა, მაგრამ პარიზის ფილიპ შატრიეს სახელობის კორტზე გამართულ შეხვედრაში ძალები აშკარად უთანაბრო აღმოჩნდა: გრუნტის ესპანელი მეფე მრისხანე სერბ მეტოქეს სამაგალითოდ გაუსწორდა — 6:0, 6:2, 7:5. მალიორკელს ტურნირში ერთი სეტიც კი არ წაუგია!

ალსანიშნავია, რომ აქამდე ბალკანელი მთელი სეზონის განმავლობაში დაუმარცხებლად თამაშობდა, თუ არ ჩავთვლით „ფლემინგ მიდოუზ“ მომხდარ კურიოზულ ფაქტს, როცა ერთ-ერთ ეპიზოდში მის მიერ ემოციურად გადაგდებული ბურთი შემთხვევით თავში ხაზის მსაჯს მოხვდა და მაშინ იგი ტურნირის ორგანიზატორებმა გათამაშებიდან მოხსნეს.

რაც შეეხება „როლან გაროსის“ ქალთა ასპარეზობას, მთელი რიგი სენსაციების შემდეგ მისი ტრიუმფატორი პოლონელი თინეიჯერი იგა სვიონტეკი ასევე პარტიის წაუგებლად გახდა.

კოზა კოზახიძე



პირველი ევროპული

რბ არის სპორტისთვის ხუთი წელიწადი? — დაგებადება კაცს კითხვა. აბსოლუტურად არაფერი — მოისმენ და დაეთანხმები კიდევ მოპასუხეს. არადა, თურმე, არც მთლად მსე ყოფილა საქმე. მაგალითი გნებავთ? ინებეთ.

2015 წელს ბაქოში ღირსეულად უმასპინძლა პირველ ევროპულ თამაშებს.

მაშინ, ალბათ, ვერავინ წარმოიდგენდა, რომ უკვე 2020 წლის შემოდგომაზე ჩვენს სამეზობლოში ახალი ძალით იფეთქებდა ყარაბაღის კონფლიქტი, რომელიც უკვე მერამდენედ განახლდა და ისედაც დენთის კასრზე განთავსებულ რეგიონის ფართომასშტაბიან ომში გადაზრდით ემოქრება.

თითქოს გენერალურ რეპეტიციას გადაიწო, აზერბაიჯანელთა და სომეხთა ნებისმიერი იმდროინდელი ორთაბრძოლა, უმეტესწილად საჭიდაო ხალიჩაზე, განსაკუთრებული სიმძაფრით გამოირჩეოდა. საბოლოოდ მასპინძლებმა ფორუმი რუსების შემდეგ გუნდური მეორე(!) ადგილითა და 56 მედლით (21 „ოქრო“, 15 „ვერცხლი“ და 20 „ბრინჯაო“) დაასრულეს, ხოლო მათი დაუძინებელი მტრები ერთადერთ მეორე საპრიზო ადგილს დასჯერდნენ. იგი „კლასიკოსთა“ ტურნირში მოასპარევე მიგრან არუთინიანის (66 კგ) ანგარიშზეა. სხვათა შორის, ნახევარფინალში მან პრინციპულადგილობრივ მეტოქეს — ჰასან ალიევს სძლია.

შეგახსენებთ, რომ კონტინენტური კომპლექსური ღონისძიებები უკვე შორეული 1951



თამაშები (1965 წელი, ბრაზავილი, კონგო).

ასე რომ, დიდი დაგვიანებით, მაგრამ მაინც, ბოლოსდაბოლოს მომწიფდა „ძველ სამყაროში“ ანალოგიური სპორტული ფესტივალის ორგანიზების იდეა და აზერბაიჯანის ეროვნული ოლიმპიური კომიტეტის შესაბამის ინიციატივას მისი ბაქოში ჩატარების შესახებ ევროპის ოლიმპიური კომიტეტების გაერთიანების ირლანდიელი პრეზიდენტის პატრიკ ჰიკის თანხმობით ხორცი შეესხა კიდევ. კი, მაგრამ რაღა ვასპისპირა სახელმწიფო? — დაინტერესდება გულშემატკივარი.

რატომ და, მოგვხსენებთ, იქ ბოლო წლებში ათეულობით თანამედროვე ტიპის სპორტული კომპლექსი აშენდა და არაერთი დიდი შეჯიბრება მოეწყო, მათ შორის — ევროპისა და მსოფლიოს ჩემპიონატები, აგრეთვე სა-

წლიდან იმართება: პანამერიკული თამაშები (ბუენოს აირესი, არგენტინა), აზიური თამაშები (დელი, ინდოეთი), აგრეთვე ოკეანეთის თამაშები (1963 წელი, სუვა, ფიჯი) და აფრიკული

ფეხბურთო ევროპა ლიგის ფინალური მატჩი. გარდა ამისა, ბაქო შეუპოვრად ცდილობს ზაფხულის ოლიმპიადის მასპინძლობის უფლების მოპოვებას და ამ უაღრესად რთული მიზნის მისაღწევად ისტორიული პირველი ევროპული თამაშების სამაგალითოდ მიღება მნიშვნელოვან წინგადადგმულ ნაბიჯად შეგვიძლია მივიჩნიოთ. მართლაც, ჩვენს მეზობელ და მეგობარ ქვეყანას საამისოდ არაფერი დაუზოგავს — არც ადამიანური, არც ფინანსური რესურსები და ამიტომაც გაართვა ყველაფერს თავი უმაღლეს დონეზე.

რაც შეეხება უშუალოდ სპორტულ ბაჭალიებს, 50 ქვეყნის 6 ათასზე მეტი ათლეთი 3 ათასამდე სტუმარი ოფიციალური პირის თვალწინ ჯილდოებისათვის სპორტის 20 (16 ოლიმპიური და 4 არაოლიმპიური) სახეობაში იბრძოდა, ხოლო ტელერეპორტაჟები არა მარტო ევროპის ქვეყნებში, არამედ აშშ-ში, კანადაში, ლათინურ ამერიკაში, იაპონიაში, ჩინეთში, ინდოეთში, არაბულ სამყაროსა და ავსტრალიაშიც კი გადაიცემოდა. სეოკის პარტნიორის — კომპანია „სოკარის“ ძალისხმევით საზოგადოებრივი მაუწყებლის პირველი არხი მოვლენათა ეპიცენტრში ქართველ ქომაგებსაც აყენებდა.

სულ ბაქოში საქართველოს დელეგაციას (ხელმძღვანელი — სეოკის პირველი ვიცე-პრეზიდენტი **ელგუჯა ბერიშვილი**) 104 წევრი წარმოადგენდა, რომლებმაც 13 სახეობის 17 დის-

ციპლინაში 16 მედალი მოიხვეჭეს — 2 „ოქრო“ (ავთანდილ ჭრიკიშვილი, ადამ ოქროშაშვილი — ორივე ძიულა), 6 „ვერცხლი“ და 8 „ბრინჯაო“. როგორც ყოველთვის, ტატამის ოსტატთა გარდა, მათი უმეტესობა ფალანგებსა და სამბისტებს ხვდათ წილად.

აღნიშნული მონაგრით მე-14 შედეგი ვაჩვენეთ, მაგრამ სარისხობრივი მაჩვენებლით საბოლოო ცხრილში 21-ე ადგილი დავიკავეთ (ანუ, მართალია რაოდენობით სერბეთს, შვეიცარიას, ბელგიას, რუმინეთს, დანიას, პორტუგალიასა და ავსტრიას ვაჯობეთ, მაგრამ მათ „ოქრო-ვერცხლის“ უკეთესი ნადავლით გაგვისწრეს).

დავძენთ, რომ პოსტსაბჭოთა სივრციდან მხოლოდ რუსეთს, მასპინძელს, ბელარუსსა და უკრაინას ჩამოვრჩით, თავად კი უკან შევდეთ, ფინეთი, ხორვატეთი, საბერძნეთი, ჩეხეთი, ბულგარეთი და სხვა ძლიერი სპორტული ქვეყნები მოვიტოვეთ, თანაც, დასანანია, რომ ოქროს მედლის ადების კიდევ რამდენიმე რეალური შანსი გაუშვით ხელიდან, თორემ შედეგი უფრო სოლიდური გვექნებოდა. ამავე დროს, სასიამოვნო სიურპრიზი იყო მშვილდოსანთა შერეული წყვილის — ხათუნა ნარიმანიძე, ლაშა ფხაკაძე და მხატვრულად ტანმოვარჯიშის სალომე ფაჟავას ბავთით დამსახურებული ვერცხლის ჯილდოები.

ბაჰან დოლიძე

ტური ერთი ლიბუველი ტურისტისთვის...

17 მარტის შემდეგ დედაქალაქის ქუჩებში ყველასთვის კარგად ნაცნობი ორსართულიანი წითელი ავტობუსები არავის უნახავს, თუმცა 25 სექტემბერიდან გამოვიყენეთ ჩვენი წითელი ავტობუსი და 15 ლარად ვასეირნებთ ქართველებს. წაგებაში ვართ, მაგრამ მაინც მინდა, რომ ვიმუშაოთ. ეს ავტობუსი დავაყენე იმის საჩვენებლად, რომ ჩვენ არსად გავმქრალვართ. პანდემიამდე 7 ოფისი გვქონდა, მაგრამ ახლა მხოლოდ ერთი დავითოვეთ, რადგან 17 მარტის შემდეგ ფაქტობრივად, ჩეკი არ ამოგვირტყამს. მყავდა 120 თანამშრომელი, ახლა 5-6 კაცი ვცდილობთ, რომ ნელ-ნელა ისევ აღვადგინოთ მუშაობა.

„სულ 13 ერთეული ავტობუსი მყავს – ამჟამად მხოლოდ ერთი მუშაობს, მაგალითად დღეს ერთი კაცი მოვიდა, ლიეტუველი და მხოლოდ ის ვასეირნებთ, ეს მაშინ როდესაც კოვიდ-19-მდე დღეში 200-300 ტურისტი გვყავდა,“ – ამბობს City Tour-ის დამფუძნებელი გერმან ჭელიძე. კომპანია City Tour-ი 2019 წელს დაახლოებით 80 000 ტურისტს მოემსახურა, აქვს დედაქალაქის, ყაზბეგის, კახეთის ერთდღიანი თუ ორდღიანი ტურები. როგორც კომპანიაში განმარტავენ, გასული წლის ბრუნვა 5 მილიონი ლარი იყო, რო-



მელიც ახლა ფაქტობრივად განუღდა. „ჩვენ ვცდილობთ, რომ ქართულ ბაზარს მოვერგოთ, გვაქვს რეკლამა და ამერიიდან ორსართულიანი ავტობუსით გასეირნება 15 ლარი ეღირება. 2-სართულიან ავტობუსში ყველას ერთჯერადი ყურთსასმენები ექნება, რეკომენდაციების გათვალისწინებით ყველას დაურიგდება პირბადე, ტურის ხანგრძლივობა არის საათნახევარი და ქართულ ენაზე ჩატარდება. იქნებ შაბათ-კვირას ბავშვები მაინც გაასეირნოს ვინემ. დიდი მოლოდინი არ მაქვს, მაგრამ არ მინდა, ხალხმა დაგვივინყოს, რადგან უკვე 6 წელია, ბაზარზე ვართ,“ – ამბობს გერმან ჭელიძე.

მარიამ მორგოზია

თბილისელებო! - ღია სივრცეშიც პატაროთ ნიღაბი (პირბადე)!

მთავრობის ადმინისტრაციაში პრემიერ-მინისტრ გიორგი გახარიას ხელმძღვანელობით მოქმედმა უწყებათაშორისმა საკოორდინაციო საბჭომ დღევანდელ სხდომაზე, საქართველოში არსებული ეპიდემიოლოგიური ვითარება და ვირუსის გავრცელების პრევენციასთან დაკავშირებული ღონისძიებები განიხილა.

სხდომაზე საზგასმით ითქვა, რომ თბილისში აღინიშნება კორონავირუსით ინფიცირების შემთხვევების ზრდა, თუმცა მკაცრი სისტემური შეზღუდვების დანერგვა არ იგეგმება. ვირუსთან ადაპტაციის და მართვის ეტაპზე, გრძელდება ლოკალური და წერტილოვანი მიდგომები, როგორი პრაქტიკაც გამოიყენება ქვეყნის მასშტაბით, სხვადასხვა ლოკაციაზე.

უწყებათაშორისი საკოორდინაციო საბჭო მოქალაქეებსა და ორგანიზაციებს მოუწოდებს, მაქსიმალურად შეასრულონ საზოგადოებრივი ჯანდაცვის სფეროს საუცხოველესი რჩევები, ატარონ პირბადე, დაიცვან სოციალური დისტანცია და მაქსიმალურად შეინარჩუნონ მუშაობის დისტანციური რეჟიმი. საბჭო რეკომენდაციით მართავს ხანდაზმულებს, გადაუდებელი აუცილებლობის შემთხვევების გარდა, მაქსიმალურად დარჩნენ სახლში. ასევე, იმის გათვალისწინებით, რომ დედაქალაქში მობილობა განსაკუთრებით მაღალია და ვირუსიც შესაძლოა, უფრო სწრაფად გავრცელდეს, საბჭოს რეკომენდაციაა, მოქალაქეებმა ნიღაბი (პირბადე) ღია სივრცეებშიც ატარონ, რამდენადაც ის მსოფლიოში ამ ეტაპზე თავდაცვის საუკეთესო საშუალებად მიიჩნევა.

საბჭომ განიხილა სკოლებში სასწავლო პროცესის მიმდინარეობა და მდგომარეობა საბავშვო ბაღებში, სადაც სააღმზრდელო პროცესი დღეიდან განახლდა. აღინიშნა, რომ ცალკეულ შემთხვევებში გამოვლენილ ინფიცირების შემთხვევებთან მიმართებაში, როგორც სკოლებში, ისე ბაღებში, დაუყოვნებლივ ლოკალურად გატარდა შესაბამისი ღონისძიებები და აღნიშნული მიდგომა შენარჩუნდება.

რაც შეეხება აჭარის რეგიონში არსებულ ვითარებას, საუცხოველესი შეფასებით, ის ნელ-ნელა სტაბილურდება, თუმცა ამ ეტაპზე რეგიონში დანერგული შეზღუდვები ძალაში რჩება. იმ შემთხვევაში, თუ აჭარაში სტაბილური მაჩვენებლები ვირუსის საინფიცაციო პერიოდის განმავლობაში შენარჩუნდება, შეზღუდვების მოხსნა ეტაპობრივად დაინიშნება.

უწყებათაშორისი საკოორდინაციო საბჭომ ასევე იმსჯელა კლინიკებში არსებულ მდგომარეობასა და სისტემური ტესტირებების პროცესის მიმდინარეობაზე. აღინიშნა, რომ ჯანდაცვის სისტემაში რეალური მობილობაცაა და საკმარისი რესურსიც არსებობს, კლინიკური მართვის გაძლიერების მიზნით კი, თენგიზ ცერცვაძის ხელმძღვანელობით მოქმედი ჯგუფის გარდა, შეიქმნა დამატებითი რეანიმატოლოგთა ცალკე ჯგუფი, რომელიც ცენტრალიზებულად მართავს საქართველოს მასშტაბით არსებულ კლინიკებში მყოფი კრიტიკული პაციენტების ჯანმრთელობის მდგომარეობას. რაც შეეხება მიზნობრივ და სისტემურ ტესტირებას, საბჭოს გადაწყვეტილებით, სასწრაფო სამედიცინო დახმარების პერსონალს, როგორც მაღალი რისკის ჯგუფს, 72 საათში ერთხელ PCR-ტესტირება ჩაუტარდება.



თბილი და უნაღებო ამინდი დაბრუნდა

15 ოქტომბრამდე საქართველოში თბილი და უნაღებო ამინდი იქნება. გარემოს ეროვნული სააგენტოს ინფორმაციით, 14 ოქტომბრის ჩათვლით საქართველოში შენარჩუნდება თბილი და უნაღებო ამინდი.

15 ოქტომბერს დასავლეთ საქართველოს ცალკეულ რაიონში შესაძლებელია, მცირე წვიმა აღინიშნოს. ჰაერის ტემპერატურა დასავლეთ საქართველოში +27, +32, ხოლო აღმოსავლეთ საქართველოში +22, +27 გრადუსია მოსალოდნელი. თბილისში თბილი და უნაღებო ამინდი იქნება. ჰაერის ტემპერატურა +24, +26 გრადუსი დაფიქსირდება.



განხილვა აუქციონის ჩატარების შესახებ

საქართველოს სამოქალაქო კოდექსის 306-306'6 მუხლების საფუძველზე სპეციალისტი შპს „ემჯი პოლინგი“ კრედიტორ ს/ს „ლიბერთი ბანკის“ განცხადების საფუძველზე ატარებს პირველ აუქციონს თინათინ აფციაურის საკუთრებაში არსებულ იპოთეკით დატვირთულ უძრავ ქონებაზე.

აუქციონი ტარდება შემდეგი პირობებით:

1. უძრავი ნივთის მესაკუთრე: თინათინ აფციაური (პ/ნ 20001055895), დედოფლისწყარო, ს. ქვემო ქედი, პირველი ქ. №242.
2. უძრავი ნივთის ადგილმდებარეობა და მოკლე აღწერა: დედოფლისწყარო, ს. ქვემო ქედი, შირაქი (საკადასტრო კოდი: 52.11.34.022).
3. უძრავი ნივთის სამართლებრივი მდგომარეობა: უძრავი ნივთი არ არის დატვირთული გარდამავალი სანივთო ვალდებულებებით.
4. უძრავი ნივთის საწყისი ფასი: 18128.81 ლარი.
5. აუქციონის დაწყების თარიღი: 2020 წლის 13 ოქტომბერი, 14:00 საათი.
6. აუქციონის დასრულების თარიღი: 2020 წლის 27 ოქტომბერი, 14:00 საათი.
7. აუქციონის ჩატარების ფორმა: ელექტრონული აუქციონი ინტერნეტ მისამართზე www.eauction.ge.
8. ელექტრონული აუქციონის მონაცემები: განაცხადის №71271HZP67950120; აუქციონის ნომერი: 71271 ლოტის ნომერი: 679501
9. მოვალე: დავით ზუმარაშვილი (პ/ნ 14001001660), დედოფლისწყარო, ს. ქვემო ქედი, პირველი ქ. №152; გვი ჯღუთაშვილი (პ/ნ 14001014800), დედოფლისწყარო, ს. ქვემო ქედი, პირველი ქ. №152; ავთანდილ ზუმარაშვილი (პ/ნ 14001001659), დედოფლისწყარო, ს. ქვემო ქედი, პირველი ქ. №152; დავით წიკლაური (პ/ნ 14001016632), დედოფლისწყარო, ს. ქვემო ქედი, პირველი ქ. №152.
10. აუქციონის გამომცხადებელი სპეციალისტის სახელწოდება და მისამართი: შპს „ემჯი პოლინგი“ (ს/კ 204572284), მისამართი: ქ. თბილისი, შარტავას ქ. №40, სართული 11.
11. აუქციონის პირობები:
 - აუქციონში მონაწილეობის მიღების უფლება აქვს ნებისმიერ პირს, მათ შორის, კრედიტორს, მოვალეს და მესაკუთრეს;
 - მესაკუთრეს ან ნებისმიერ პირს მესაკუთრესთან შეთანხმებით ან/და მესამე პირს, რომლის უფლებაც შეიძლება შეილახოს აუქციონის შედეგად, უფლება აქვს, აუქციონის ჩატარებამდე მოთხოვნის დაკმაყოფილებით თავიდან აიცილოს აუქციონი;
 - აუქციონში მონაწილეობის მსურველმა, აუქციონის დაწყებამდე უნდა წარმოადგინოს საბანკო გარანტია უძრავი ნივთის საწყისი ფასის 10%-ის ოდენობით, რომელიც უნდა უზრუნველყოფდეს აუქციონში გამარჯვების შემთხვევაში თანხის სრულად გადახდას. საბანკო გარანტიის ბენეფიციარი უნდა იყოს კრედიტორი – ს/ს „ლიბერთი ბანკი“.
 - აუქციონში გამარჯვებული პირი ვალდებულია, ქონების შეძენიდან 7 დღის ვადაში სრულად გადაიხადოს უძრავი ნივთის ღირებულება, რომელიც უნდა შეიტანოს შპს „ემჯი პოლინგის“ საბანკო ანგარიშზე (ს/ს „თიბისი ბანკი“, ანგარიშის ნომერი GE17TB1188736020100003). წინააღმდეგ შემთხვევაში აუქციონის შედეგები გაუქმდება და ჩატარდება ხელახალი აუქციონი. აუქციონში გამარჯვებულ პირს ქონებაზე საკუთრების უფლება წარმოეშობა ფასის სრულად გადახდის შემდეგ.
 - 9. აუქციონის პირობები: გამოქვეყნებულია ინტერნეტ მისამართზე www.eauction.ge (განაცხადის №71271HZP67950120; ლოტის ნომერი: 679501).

ნებისმიერ პირს, ვისაც გააჩნია უფლებები სარეალიზაციო უძრავ ქონებაზე, ვალდებულია ამ უფლებათა დამადასტურებელი მტკიცებულებები წარმოადგინოს 2020 წლის 27 ოქტომბრის 10:00 საათამდე.

ყურადღება

ეცნობის გალენა მაკაროვას, რომ ბათუმის საქალაქო სასამართლოს საქმე № 010210015001131044 №2/3659/15 გადანაცვლების საფუძველზე თანხა მის სასარგებლოდ განთავსდა ნოტარიუს მარიამ კვარაცხელიას სადეპოზიტო ანგარიშზე. სანოტარო ბიუროს მისამართია ქ. ბათუმი, დ. აღმაშენებლის ქ. №10, ბინა №28. გთხოვთ მიმართოთ აღნიშნულ ნოტარიუსს.

ანსამბლ „თუთარჩელას“ 26 წევრი ინფიცირებულია

რუსთაშვილი, ახალგაზრდა მომღერალთა გუნდის „თუთარჩელას“ ხელმძღვანელი და გუნდის 26 წევრი კორონავირუსითაა ინფიცირებული. ამის შესახებ ინფორმაციას საინფორმაციო სააგენტო „ინფო რუსთავი“ აქვეყნებს.

„სტაბილურად ვგრძნობ თავს, ოჯახის პირობებში მინევს მკურნალობა... ჯერჯერობით რამე გართულებები არ მაქვს და ამიტომ სახლში დამტოვეს. თითქმის ვიღაცამ კარები გახსნა და ვირუსი ერთიანად გადმოგვაფრქვია. ყველა ერთნაირი სიმპტომით როგორ შეიძლება ვიყოთ. მე რომ არ მეთქვა ბავშვებისთვის სიცხე გაისინჯეთ-მეთქი, არ ისინჯავდნენ, არაფერი არ გვანახებეს, მასწავლებელიც. უმეტესობა იწერება რომ ძალიან კარგადაა, მაგრამ, ვამჩნევ რომ ეს ვირუსი თანდათან, 4-5 დღეში უფრო იკრებს ძალებს. ნამდვილად ავად ვართ, ეს არ არის ტყუილი“.



გაერთიანებული ერების ორგანიზაციამ გამოაქვეყნა ყოველწლიური ანგარიში, რომელშიც საუბარია მსოფლიოში ბედნიერების ხარისხის შესახებ. ანგარიშის მიხედვით, ზედიზედ მესამედ, მსოფლიოში ყველაზე ბედნიერ ქვეყნად ფინეთი დაასახელეს.

ექსპერტები აღნიშნავენ, რომ ფინეთში ბედნიერების მაჩვენებელმა ზრდა 2015 წლიდან დაიწყო და ამ დრომდე აგრძელებს.

ყველაზე ბედნიერი ქვეყნების სამეულში ფინეთის გარდა, დანია და შვედეთიც მოხვდნენ. ათეულში კი შევიდნენ ისლანდია, ნორვეგია, ნიდერლანდები, ახალი ზელანდია, ავსტრია და ლუქსემბურგი.

მსოფლიოში ბედნიერების ხარისხი ისეთ მონაცემებს ითვალისწინებს, როგორიცაა მთლიანი შიდა პროდუქტის წილი ერთ სულ მოსახლეზე, სოციალური მხარდაჭერის დონე, სიცოცხლის ხანგრძლივობა და



საზოგადოებრივი გამოკითხვის შედეგები.

ანალიტიკური ცენტრის Next Era სპეციალისტები აღნიშნავენ, რომ 1960 წლიდან მოყოლებული, ფინეთის ხელისუფლება ყოველწლიურ გამოკვლევას ატარებს ჯანდაცვის, განათ-

ლებისა და დასაქმების სფეროებში, ასევე ცდილობს, გაზარდოს მოქალაქეების კომფორტი და უსაფრთხოება.

ამან ერთ დროს ევროპის ყველაზე ღარიბ ქვეყანას საშუალება მისცა, სიკვდილიანობისა და კრიმინალის მაჩვენებელი



ლებისა და დასაქმების სფეროებში, ასევე ცდილობს, გაზარდოს მოქალაქეების კომფორტი და უსაფრთხოება.

ამან ერთ დროს ევროპის ყველაზე ღარიბ ქვეყანას საშუალება მისცა, სიკვდილიანობისა და კრიმინალის მაჩვენებელი

მინიმუმამდე შეემცირებინა. ამ ქვეყნის მოქალაქეების შემოსავალი საკმაოდ მაღალია, ამასთან, მას შემდეგ, რაც ისინი ყველა გადასახადს გადაიხდიან და ყოველწლიურ ხარჯებს დაფარავენ, საკმარისი რაოდენობის თანხა რჩებათ მომდევნო ხელფასის აღებად.

განათლების შესახებ გლობალური ანგარიშის მიხედვით, ფინეთს მსოფლიოში ერთ-ერთი ყველაზე საუკეთესო განათლების სისტემა აქვს. ეს ქვეყანა სკოლის მოსწავლეებისა და სტუდენტებისთვის თავისუფლების მინიჭებით არის ცნობილი. განათლება აქ სრულიად უფასოა, თუ მოსწავ-

ლე სკოლაში მთელ სამუშაოდღეს ატარებს, მაშინ კვებასაც სკოლის ადმინისტრაცია უზრუნველყოფს. აქ განათლებას ბიუჯეტის საკმაოდ დიდი წილი ეთმობა — 11 მილიარდ ევროზე მეტი. ფინეთში თითქმის 100%-იანი განათლებაა.

ქართული ანიმაციური ფილმი გაეგრძელებს

ქართული ანიმაციური ფილმი „იგი“ ცენტრალური და აღმოსავლეთ ევროპის ანიმაციის ფორუმის გამარჯვებული გახდა. ანიმაციური ფილმის რეჟისორი არის ნათია ნიკლაშვილი. პროდიუსერია ვლადიმერ კაჭარავა, ასევე კომპანია „20 Steps Productions“.



ცენტრალური და აღმოსავლეთ ევროპის ანიმაციის ფორუმში 6-8 ოქტომბერს ვირტუალურ რეჟიში ჩატარდა. საერთაშორისო ჟიურიმ გამარჯვებულები

28 ანიმაციური პროექტიდან ოთხ კატეგორიაში გამოავლინა.

ქართულ-ფრანგული კულტურის დღეები ლევილში

საფრანგეთში, ლევილის მუნიციპალურ ცენტრში ქართულ-ფრანგული კულტურის დღეების ფარგლებში მუსიკალური საღამო გაიმართა. საქართველოს საგარეო საქმეთა სამინისტროს ინფორმაციით, ტრადიციად ქცეულ ღონისძიებას საფუძველი 18 წლის წინ ჩაეყარა და ის ყოველწლიურად ლევილის მერიისა და ამხანაგობა „ქართული კერას“ ორგანიზებით ტარდება.

„წელს, ქართულ-ფრანგული კულტურის დღეების მთავარი თემა ტრადიციული ცეკვა და ლევილური ქართულ-ფრანგული ქრონიკები იყო, რომლის ფარგლებშიც შესრულდა როგორც ქართული, ასევე ფრანგული ტრადიციული ცეკვები. აღსანიშნავია, რომ ქართული ცეკვები წარმოდგენილ იქნა XX საუკუნის ქართული წარმომადგენელი ბალეტის ვარსკვლავის ეთერ ფაღავას ქორეოგრაფიული სტუდიის ფრანგი მოცეკვავეების მიერ“, — აღნიშნულია საქართველოს საგარეო უწყების ინფორმაციაში.

ქართულ-ფრანგული კულტურის დღეების ლევილში აღნიშვნა სიმბოლური დატვირთვის მატარებელია და ჩვენი დიდი წინაპრების მიერ დაბა ლევილში შექმნილი მამულის ისტორიას და მის ახალ სიცოცხლეს უკავშირდება.

2016 წელს 25-წლიანი მოლაპარაკებების პროცესი ლევილის მამულის საქართველოსთვის გადმოცემის თაობაზე დასრულდა და მამული მის კანონიერ მემკვიდრეს — ქართველ ხალხს დაუბრუნდა.



ქართველი პოეტის აღიარება

ცნობილი ქართველი პოეტი დავით მაღრაძე ორტასანაჯულიოს კუნძულზე ინგლისური გამოცემა Poetry on the lake-ისა და UNESCO-ს კომიტეტის ყოველწლიური დაჯილდოების ცერემონიაზე პოემისთვის „ბარაქიანი მიწა“ დაჯილდოვდა.

დავით მაღრაძეს კონკურსის მთავარი პრიზი — „ვერცხლის დრაკონი“ გადაეცა.

პოეტს საპატიო ჯილდო გამორჩეული შემოქმედებისთვის მიენიჭა, რამაც მისი ქვეყნის ლიტერატურის მიმართ სამყაროს ყურადღება გაზარდა.

დაჯილდოება ორტას ტბაზე, წმინდა ჯულის კუნძულზე გაიმართა.

მოგონა, რომელსაც ყველაზე ბრძოლი ფეხები აქვს

17 წლის მაკი კარინი სიმალეში 2 მეტრი და 10 სანტიმეტრია — მას მსოფლიოში ყველაზე გრძელი ფეხები აქვს და მისი სურვილია, გახდეს მოდელი. მაკი კონკურენტისა უნევეს ამ დროისათვის ყველაზე გრძელი ფეხების მქონე რუს ეკატერინა ლისინას და მას აქვს შანსი, გინესის რეკორდების წიგნში შევიდეს.



ყოველგვარი რეკლამა გაზეთის დახმარება!

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველწლიური გამოცემის აღორძინებას. ჩვენი ანგარიში: №GE19TB7601536020100009. (შპს „ახალი საუკუნე“ — გაზეთ „საქართველოს რესპუბლიკის“ გამომცემელი).

საქართველოს რესპუბლიკა

ვაჟა ფშაველას №48 ტელ: 239-03-43

მთავარი რედაქტორი
საბარტაძე ძოგუღია
599 36-00-35

პასუხისმგებელი რედაქტორები:
გურამ გომიანაშვილი

599 53-76-16;

ალექო

ასლანიშვილი
599 56-81-86;

პასუხისმგებელი მდივანი

მამუკა ვაშაქიძე

514 33-33-24

გამომცემლობა:

შპს „ახალი საუკუნე“ —
გაზეთ „საქართველოს
რესპუბლიკის“ გამომცემელი“
599 53-76-16; 599 36-00-35

შპს „თანამდგომარეობა“-გაზეთ
„საქართველოს რესპუბლიკის“

გამომცემელი“

ტ: 599 79-76-79

იბეჭდება სტამბა

„კოლორი“

ე. ბაღდავაძის №3

კოდონი
ჯგუფი

uac(უაკ)070.4(479.22)
ს-323



ავტორთა
საჩუქრადღეობა!

რედაქციის მიერ
შუამავთაში მასალაზე
დაინტერესება

ავტორთა ხარჯით.
ავტორთა მოსაზრებები,
შეხვედრები, მუდამ

არ ემთხვეოდეს
რედაქციის პოზიციას.

ფაქტების
სიზუსტეზე პასუხს
აგებენ ავტორები.

**გაზეთის
მორიგი
ნომერი
გამოვა
ხვალ,
14 ოქტომბერს**



უხსოვარი პაუზის ქარსი:

აუზ ფორარი - 3.2172; პარო - 3.7966;

ბრიტანული პირაპნა სტარლინგი - 4.1647;

100 რუბლი - 4.1679; თურქული ლირა - 0.4057;

აზერბაიჯანული მანათი - 1.8938;

1000 სომხური დრამი - 6.5523.

აინფი 13 ოქტომბრისთვის

აღმოსავლეთი საქართველო:

ბარა - ღამე +9, ღამე +25

მთიანი რაიონები - ღამე +2, ღამე +25

დასავლეთი საქართველო:

ბარა - ღამე +17, ღამე +33

მთიანი რაიონები - ღამე +12, ღამე +30

თბილისი: ღამე +11, ღამე +21

დაგვიკავშირეთ, მოგვწერეთ:

ტელ: 296-72-86, 599-79-76-79, 568-82-09-84

ელ. ფოსტა: sakresp@mail.ru

და sakresp@top.ge

ვებ-გვერდი: www.sakresp.ge